

宋

會

要

宋會要

卷一百一十五 使

淳熙元年正月七日詔自今大使使人如欲踰程到賜御筵州府值國忌日分與依奉使入國體例受賜訖免赴坐 四月十九日詔自今奉使所差三節人內下節四十人令樞密院於三衙并皇城司等處選差 五月十八日國信所言今來報聘禮物私覲比之生辰增倍通由楚州至盱眙軍沿淮一帶合差防護官兵欲下武鋒軍增一百人從之 九月十日閣門言金人賀會慶聖節使姓名並犯廟諱所有姓依例改元字名欲改尚字乞作元顏尚宣班從之 二年正月一日端明殿學士朝請郎簽書樞密院事李彥穎言昨充接送館伴借

朝請大夫今來入驛押伴御筵乞權以元借官繫銜從之四年八月十八日詔應接送館伴奉使所以移文字並依舊以大金稱呼先是臣僚言春秋寫褒貶於一字於夷夏之際尤致其嚴夷狄雖彊不可有加於中國今使介之往姑以大金名之若有司行移止當稱金國已而復有是詔五年三月十三日樞密院言吏部乞自今差奉使金國正旦生辰使副并三節人從合得酬賞並與減三年磨勘內下節軍兵依析賞法比類支錢其使副下合差引接儀範二人令六曹於書令更已工選差謹行止有心力人籍定姓名每次輸差二人發赴奉使所祇應仍前兩月牒送國信所開習儀範館伴接

送伴下引接依此差撥從之 四月十一日詔起居舍
人趙思奉使應答依違降兩官放罷 十二月二日二
日詔自今伴射官伴射日依後殿環衛服色 六年十
月三日詔使人到闕伴射官自今可於殿前司馬軍司
通輪保明選差 二十四日詔自今賀大金正旦使副
起發日分用十一月九日 七年八月十一日詔自今
接送伴金國使人回添差都轄一員八廂二人更不差
撥先是四年差置往回機察使人舟船至是罷之 十
二月二日殿前司奏具到三司輪差上中下節人年分
及本司諸軍差撥資次以後周而復始詔三衙依此先
是詔每歲奉使選差上中節人不足具數申達下三司

據數差撥故也 九日詔已降指揮奉使下醫官一員
更不差撥令六曹寺監通輪選棟能寫字人吏一員充
中節隨逐使副專一書寫表章等祇應 九年三月二
十一日詔自今奉使金國上節內醫官一員令翰林醫
官局將在局大方脉醫官依資次籍定姓名申樞密院
輪差先是令吏部於大小使臣內差撥承代名色故有
是詔 十月七日詔自今人使到闕伴射官自人使朝
見前十日令權緞馬步軍班起居侍立 十年八月二
十七日詔自今奉使禮物官令吏部差有出身選人
一名其親從二名許使副自差 十一月二日詔自今
奉使親隨二員願差無官人者聽 十二月十六日詔

殿前司前軍步兵第一正將杜贊行門換授從軍日久
令部轄奉使下節軍兵先是吏部申奉使金國合差上
中節於吏部籍定名次大小使臣內差數內却有係軍
班出身而刺軍號有旨諸軍班換授人免差已而杜贊
自言雖係行門換授從軍一十二年與到部軍班事體
不同故有是命 十二年十二月八日大理少卿充賀
金國生辰國信使章森言去歲被命出疆蒙宣賜笏帶
鞍馬及支賜銀絹緣不曾過界乞賜繳納奉旨特免回
納今者復令將命所有舊例給賜等物乞行寢免詔除
笏帶鞍馬已經賜外銀絹特減半支給不許辭免 十
四年二月十三日詔訪聞今次賀金國正旦使副下三

大

節官屬內劉孝榮李九齡李翼馬守中劉宗彥下節軍
兵劉興張勝在北界爭奪車仗及使酒喧鬧違犯約束
特將逐人回程所得成半恩賞析資錢更不施行 三
月十七日中書舍人李獻言每歲奉使出疆回至瓜州
別無禮物及公家利害物件乃用夫脚一千八百人開
開累日於民深害乞下淮南所屬特減一半詔令揚州
斟量合用脚夫差撥不得過數科擾 十月九日禮部
太常寺國信所言改行太上皇帝升遐其金國賀會慶
聖節使人沿路至赤岸御筵會食並免坐折賜供張並
用素使人受賜并謝恩止合拜免舞蹈接伴使副過遺
詔到日舉哀仍諭使人以遭變之意成服三日內並免

相見以後止服黑帶去金魚用皂鞍韉去狨座從之
又言館伴相見并朝見朝辭服色雖係在服制之內緣
係館伴乞權服常服黑帶去金魚并用皂鞍韉去狨座
從之 同日詔將作監韋瑱假敷文閣學士提舉醴泉
觀兼侍讀充奉使金國告哀使高州刺史閤門舍人皇
太子宫同主管左右春坊事姜特立假鄂州觀察使左
衛上將軍副之應干合行事件依正旦使副體例施行
禮部太常寺國信所言告哀使副并三節人從合服
衣帶鞍韉等照應紹興二十九年十月一日所降指揮
大祥內服布幘頭襴衫布袴腰經布涼傘鞍韉若在禪
祭內服素紗軟脚幘頭黹色公服黑鞵犀帶青緞皂鞍

俟禪除即從吉服仍只繫黑帶去魚涼繖鞍韉並從制
仍去座三節人衣紫衫黑帶並不聽樂不射弓弩候過
界聽使副審度隨宜改易服用詔使副三節人從過界
合服衣帶鞍韉等並製造兩副審度服用遺留使副合
服衣帶鞍韉等同此 十月十三日吏部尚書蕭燧等
言今來金國賀會慶節人使到闕雖與明道二年故事
相類緣目今車駕見留德壽宮喪次魚已降指揮百官
免上壽恐難以引見人使如人使必欲朝見却乞用明
道故事小祥二日後於二十三日只就德壽宮素帷引
見庶合上項典故從之於是卒不引見先是三省樞密
院言累日熟議人使入見事蓋以適逢變禮頗難區處

謹按國朝故事惟明道二年三月甲午章獻明肅皇后
上僊四月丙午小祥後二日戊申仁宗宸服始聽政於
崇政西廟是日對契丹賀乾元使副又明日聖節罷工
壽今來月日偶亦相類但緣當係在禁庭乃為常禮今
陛下見留德壽宮喪次若歸而引見人使或慮彼以為
疑乞令侍從臺諫禮官同議貴得其當已而燧等議上
迺從其請 二十一日詔權禮部侍郎顏師魯假戶部
尚書充太上皇帝遺留舍國信使武翼郎前權發遣所
貽軍高震假福州觀察使知閤門事兼客省四方館事
出之應干令行事件依正旦使副體例施行 十一月
六日師魯等言遺留禮信寶物并增添禮物浩瀚參照

得結興二十九年遺留例係差禮物官五員今來止有
禮物官文臣一員及步軍司差到部轄下節軍兵正將
一員充上節禮物官要是闕少官屬欲乞吏部更差有
出身官一員充上節禮物官同共相兼掌管其逐官支
賜請給等依見行格例支破兼照對每歲奉使金國正
旦生辰使副例於兩浙淮南轉運司各差破座船一十
五隻今來遺留寶物等除已降指揮增添二隻外續承
十月二十五日省劄降金器二千兩銀器二萬兩匹物
二千匹比之常年例係增一倍今參照紹興二十九年
遺留差破座船二十二隻乞劄下兩浙淮南轉運司差
撥從之又言合用私覲照得正旦與紹興二十九年遺

留不同未審合與不合依先來遺留體例詔令戶部同
所屬依紹興二十九年例數目支降 二十五日奉使
金國告哀使韋璞等言檢準淳熙七年十一月二十五
日指揮每歲奉使金國合差上中下節內除部轄引接
并國信所已有定例外更留二員聽候御前降下令承
降下劉咨一員比之常年係少降下一員照得起發日
通所有件上員闕乞令璞等辟差詔特許辟差一次
十一月二日禮部太常寺國信所言檢照紹興二十九
年十月三十日禮官討論哀謝使副并三節人若於禪
除日分後過界即合從吉服令敬令賀正旦使副照應
上件已降指揮施行從之 賀金國正旦國信使萬鍾

等狀照對使副年例於十一月九日出門係在釋服之外所有服繫禮儀并三節人從服飾乞行下遵守又檢準國朝遺留使副之類並不聽樂不射弓弩至紹興三十年始聽樂射弓今來雖係待賀禮其賜宴射弓一節比紹興三十年事體不同却緣自再講好以來逐年正月三日係本朝國忌本朝賀正旦使副亦已赴花宴聽樂竊慮彼界援此相彊乞明降指揮下禮部太常寺國信所討論而有是命 十八日接伴賀正旦使馮震武等言大行太上皇帝升遐未有發引日分將來接見使人禮儀御筵會食遊看服著鞍韉陳設等乞明賜指揮禮部太常寺國信所檢照紹興二十九年十月二十

一日禮官討論接伴使副與金國賀正且人使相見係在顯仁皇太后未祈廟之前依典故合服常服黑犀帶不佩魚皂鞅羈去絨座其賀正且使人入界依典故逐處合依舊賜宴唯不舉樂十二月五日禮官討論賀正且使經過州府供張除人使宿位依故事並依舊外所有賜宴聚食公廳并接伴位并用青紫起辦不及去處更許隨宜審度赤岸班荆館都亭驛等處依此今來令接伴使副參照逐項已降指揮施行從之 十二月十五日吏部言昨奉旨今後奉使禮物官令吏部差有出身選人一名今來賀生辰使赴起發日近即無有出身選人願就之人乞特降指揮不拘有無出身許令通行選

吊

差一次日後更不為例從之 十五年三月詔報謝使

禮物官再許通差無出身人一次 十五年二月十三日詔

紹興三十年而祭使人回程曾於沿路折賜見辭等金

銀今來可改作為使人赴德壽宮行禮畢於至日差承

受就驛特賜 九月十四日禮部國信所言十月二十

二日會慶節雖在高宗皇帝祔廟之後緣皇帝見服布

素羣臣未純吉服所有接伴使副接見金國賀聖節使

人禮儀服著鞍韉等欲照應淳熙十五年賀正旦接伴

使副體例施行其供張並青紫從之 十二月九日詔

館伴副使鄭嗣宗內宗字犯金國廟諱宗堯上一字權

改嗣昌候回程日依舊 十六年十二月七日詔昭軍

言泗州牒報來歲正旦生辰人使彼此權罷

宋會要

遣使

建隆二年三月太祖謂輔臣曰每遣使四方多或踰越無王人之體何以禁止對曰宜齊之以刑帝曰但得其人則自然合禮何須繩之以法邪三年正月詔教諭使臣將命出入自今於所經州郡無故不得駐留開寶五年四月遣常參官四人分往逐處相度田土苗稼點檢採察公事左司員外郎侯陟京東路右贊善大夫周謂京南路太常博士董淳京西路太子中允劉甫英京北路九月五日遣司勳員外郎和峴江南道採訪真宗咸平二年八月二十八日命度支判官兵部員外郎直史館陳堯叟供奉官閤門祇候陳采西川體量

公事戶部判官太常博士直史館丁謂右侍禁閤門祇
候焦守節峽路體重公事九月七日命樞密都承旨

王繼英前詣鎮定高陽關路閱視行宮頓遞宣慰將士

八月命比部員外郎直史館洪湛供奉官閤門祇候
韓紹輝荆湖路體量公事十二月真宗行在遣屯田

郎中李蟠比部員外郎孟元振虞部員外郎史館檢討

董元亨秘書丞李易直許洞殿中丞宋革太子中舍耿

明秘書郎董翺齋詔馳往邢洺祁趙雄霸冀諸州帝諭

之曰汝等此行可徧詣問里諭以朕已至此速令復業

無或流散四年八月命直史館曾致堯太常博士王

琪供備庫副使潘惟吉通事舍人焦守節分往陝路提

舉軍器帝諭以巴蜀遐遠時有寇盜因遣使廉察風俗
官吏能否而安輯焉 閏十二月帝謂宰臣曰河北諸
州艱食之際恐有寇攘暴起仍發倉廩以賑貧民若一
一飛奏待報必致稽緩可選近臣乘傳酌便宜從事訖
以聞乃命知制誥梁顥供備庫副使滿惟吉往東路知
制誥薛映西京左藏庫使李漢贇往西路 景德元年
十二月遣內殿崇班楊保用供備庫副使安守忠通事
舍人焦守節閤門祇候胡守節分詣河北東西路撫問
仍詢察官吏將卒禦戎勲績以聞 二年五月遣使撫
勞河北山西採木軍士仍優賜之 康定二年四月五
日遣屯田員外郎劉渙直昭文館充秦隴路招撫蕃落

使 二年九月十一日命侍御史蕭定基祠部員外郎
集賢校理王琪分詣江南荆湖提舉相度制置鹽酒
仁宗慶厯二年六月十八日樞密副使右諫議大夫任
中師充修建北京使翰林學士蘇紳充副使 三年三
月十一日命三司鹽鐵副使魚周詢宮苑使周惟德陝
西相度錢寶解鹽定奪修水洛結公三城利害 慶厯
四年四月遣集賢校理張揆往江淮兩浙路轉運司體
問民間利害事 十二月十三日遣內侍盧昭度等五
人分往河北河東陝西撫問官吏將校 嘉祐二年九
月命權發遣三司鹽鐵判官事雷簡夫體量辰澧州盜
賊公事 五年六月詔選差朝臣往諸路寬恤民力

治平四年四月十九日 神宗已即位未改元 命諸路體

量安撫使龍圖閣直學士韓維陝西路天章閣待制陳
薦河北路天章閣待制孫永京東路三司度支副使蘇
豪京西路並只往災傷州軍維免以邵亢代之上以亢
未嘗歷陝西任以孫永代之而差李師中往京東 神
宗熙寧二年九月二日詔遣太子中允權監察御史裏
行王子韶往明州體量前知州苗振在任違越事狀前
知睦州朱越治狀仍採訪所過州軍官吏善惡民間弊
病回日以聞 四年正月十七日河東轉運司言宣撫
司軍興之際本路應副科率極為勞困詔遣監察御史
裏行范有乘驛體量旋入急遞以聞 四月二十一日

詔遣太常博士陳充往宿亳等州體量災傷仍令樞密院下本路修飭武備以聞先是手詔如聞宿州災傷之民非常乏食盜賊充斥人不安處見禁死罪僅五百人未獲軍賊亦不少及所至全無武備若不速行賑濟必致聚為賊盜卒難剪滅並不見本路奏至可速相度故遣充往 九年四月二十四日詔應朝省寺監差官出外安撫體量察訪及勾當公事如有措置乖方并違法等事監司及州郡長吏並密具事狀以聞如有隱庇別到發露量事輕重取旨 元豐元年正月十七日詔遣西京左藏庫副使元日宣兩浙路文思副使曹詔江南東路點閱團結諸軍 二年四月二十二日上批河北

東路提舉官李純乞勾收諸路官司先借兌出本司錢
穀可選差精敏有風力文臣一員兼委以勾催都水監
借京東等路提舉司雇夫錢過遣尚書都官員外郎潘
良器催促撥還 六月十一日詔遣大理少卿蹇周輔
往徐州鞫妖人郭進獄 四年正月初九日詔遣御史
知雜事何正臣幹當御藥院梁從政瀘州體量劾韓存
寶等以韓存寶總領重兵往討小蠻不能擒戮首惡不
候朝旨輒自退軍韓永式同商量輒敢符同故有是詔
二月十一日詔遣司農寺主簿李元輔往蜀中經制
見在司農錢有合行遷徙變轉即具措置事件及契勘
耗折數目以聞 十一月二十七日詔聞自興軍以來

關內人情震憚多全室逃亡今朝旨其已經差夫之戶
更不差發令李承之速往陝西諸路安撫告諭民苦於
調發而非軍興所急者悉蠲之 六年九月二十八日

詔三路非泛使命除當支賜外仍取旨別與支賜其所
至不得受饋如送與受之者各徒三年 七年六月五
日詔已遣朝奉郎陳公裕往發運司刷磨見欠內藏庫
錢慮本官顧避根究減裂可續遣入內供奉官謝裡同
根究 九月二十三日命殿中侍御史蹇序辰尚書右
司員外郎路昌衡往熙州劾李憲以憲於熙河貪功生
事故也 哲宗元祐二年二月十二日監察御史上官
均言請先詔諭諸路俟役書行半年遣使按省庶幾官

史先事警飭從之 紹聖元年九月六日詔遣監察御史劉拯乘傳按河北東西路水災州軍賑濟缺食人戶應合行事令條具以聞 三年二月二十五日詔三歲一次取旨遣郎官或御史臺按察監司職事 元符三年十一月十七日徽宗已即位未改元以尚書戶部員外郎許幾新荆湖北路轉運副使曾孝序分使陝西會計措置財用尋改命戶部侍郎字文昌齡 十二月二十七日臣寮言河北濱海等數州昨經河決連亘千里人民孳畜沒溺死者不可勝計至今米斛不下三四百錢饑凍而死者相枕藉甚可哀也乞選官乘傳同本路監門守令體量拯救從之 崇寧元年七月二十五日

臣寮言去古既遠巡狩之禮不可復也建官立法猶足以稽古之遺意故漢唐以來有巡行之博士直指之繡衣觀風之八使按察之六條皆所以宣導德意延問疾苦究吏治之得失視風俗之厚薄其歸一也神考熙寧中嘗遣使察訪哲宗紹聖中亦復臨遣陛下紹述先志明目達聰願於郎官御史中選亮直之人巡行諸道以興利除害黜幽陟明然委任之法尚輕省察之目未備督責之令未嚴能否之課未立臨遣疏數之節入奏久近之限參酌條目有待今日願明詔有司上稽熙寧故事下攷紹聖格令有因革於今者續成一代之典昭神考稽古求治之功廣陛下遵制崇寧之志詔送三省

二年八月三日臣僚言紹聖詔令三歲一遣郎官御史
按察諸路監司職事訪聞諸路監司每聞朝廷遣使則
以出巡為名日候于境上蓋自來未有約束禁止監司
亦不敢輒廢伏望特詔有司每遣使諸路察本路監司
不得以出巡為名先至界首迎候違者以違制論從之
政和七年四月二十日詔入內內侍兩省使臣被遣
將命應合破人馬所須並依元豐舊法其後來衝改增
添事並罷向敢陳請並以大不恭論四年三月九日
兵部員外郎馮康國等出使陞辭上臨遣宣諭曰卿等
到郡縣戒飭官吏曉諭軍民國家多難彊敵侵陵除已
分遣兵將及會合諸處防遏攻討外全藉諸路帥臣監

司郡守縣令敷宣詔條奉行法令撫恤人民保守境土其險隘關津防托去處或差官軍或集鄉社並仰選差忠實能吏統率其衆務要嚴靜辨認姦細勿致透漏仍不得乘此阻節過往搔擾鄉村其官吏貪暴百姓冤抑並許密行體訪具詣實以聞 紹興二年九月二十四日詔差權戶部侍郎姚舜明免朝辭三日起發前去衡邵辰沅州將董收招諭到曹成馬友下將兵取見實管人數應副沿路糧食令建康府駐劄恐本府錢糧未備兼於一行有功人補授官資道路遼遠取索不便如曹成等願赴行在仰舜明同董收疾速將帶前來其經過去處不得稍有搔擾令樞密院出榜撫諭軍衆候到駐

劄畢日取指揮推恩先是福建江西荆湖南北路安撫使司言使臣董收準宣撫使司劄子被旨前來荆湖南北路衡邵辰沅州措置收集到曹成馬友等軍馬近十萬衆除揀放外尚有八萬餘人見自邵州按程進發前去江東路宣撫使司公叅使喚所有沿路合應副事已牒江東西轉運司請體訪曹成等人馬久在湖廣擾動州縣今來招收各便聽從改過自新所至之處秋毫無犯若州縣官吏更能體國愛民公共措置錢糧橋道津遣不致闕之生事則數千里皆得安業久遠為利乞嚴賜指揮州縣應副故有是命

宋會要

孝宗隆興元年六月二十三日詔遣武略大夫兼閤門
宣贊舍人郭昇往四川傳宣撫問吳玠計置買馬 十
一月二十二日詔遣右朝奉郎大理寺丞劉敏求往潭
州同黃祖舜監納李顯忠金銀等仍依大理寺正俞長
吉差出吉州結正公事體例施行 二年十一月十九
日詔遣胡銓往平江府江陰軍通泰州尹穡往紹興府
明州並措置控扼海道及點檢人船 二十二日詔遣
將作監丞韓彥古往鎮江府駐劄御前諸軍都統司計
議軍事 乾道二年九月十一日詔遣度支郎中唐琢
同提舉浙東常平宋藻守臣劉孝驍往温州諸縣遍詣
被水去處按驗覆實具合賑恤事件聞奏內劉孝驍將

州事權交割以次官 五年八月二十七日詔遣司農寺丞高驛^年往淮東西湖廣總領所并池州給納所及軍前等處點檢應干樁管錢物糧米草料 九月二十四日詔遣右通直郎淮西安撫司叅議官許子中措置淮西山水寨民兵并撥填忠義人耕作 六年四月二十二日宰執進呈皇子魏王賜夏藥梁克家奏曰舊宣賜二府夏臘藥率遣中使後以起動州郡止令進奏院遞賜上曰聞中使所至州郡不無煩費虞允文奏曰為害甚久紹興末諸路安撫制置使及諸軍主兵官賜皆從遞乾道初雖前二府亦已罷遣今親王領藩恐須遣中使以示陛下恩意上曰甚善 九月十三日詔遣右承

務郎軍器少監兼權兵部郎官韓玉往建康點檢牧馬
仍以奉使軍器少監為名 七年正月二十日詔遣右
通直郎大理正兼權度支郎官單夔往江州點檢措置
拘收運司錢物 十一月十三日詔遣右宣義郎大理
寺主簿薛季宣往淮西同趙善俊等措置賑贍安集
淳熙元年正月五日遣登聞鼓院耿延年往台州同守
臣措置賑濟 三年九月十日分遣官往總領所點檢
財賦戶部員外郎馮大同鄧州軍器少監兼權吏部郎
官耿延年建康府秘書省著作佐郎兼權考功郎官何
萬鎮江府 四年三月二十五日命度支員外郎周嗣
武往四川總領所點檢驅磨五年內錢物收支見在數

目出豁開具以聞仍考究置所以來財賦源流并關內
關外和糴利害條具聞奏以奉使四川點磨錢物所為
名先命右曹郎官謝廓然已而改命祠武代行仍許辟
屬官二員 九年三月二十五日詔遣秘書省著作郎
來樞往真揚和廬州鎮江府將作監主簿王謙往嚴常
徽饒州廣德軍並點檢措置賑濟 十二年五月二十
五日詔遣監都進奏院王厚之措置諸路通商樞密院
言昨發文等至江陵副都統司依條合破十日而四十
六日方到其他往來文書多盜拆違滯兼訪聞諸州軍
拖欠鋪兵衣糧弊端不一故遣厚之措置十一月厚之
回程往湖廣總領所點檢措置錢物 八月詔厚之同

湖北諸司措置存恤諸州被水人戶 九月二十七日
詔遣幹辦行在諸司審計司黃通往江陰軍相度開濟
橫河 淳熙十六年五月一日遣監登聞鼓院許介監
行在都進奏院王定往紹興府將五等下戶和買二萬
五千餘匹權住催一年同監司守令相度經久利便以
聞既而許介等言應行移申奏朝廷等文字乞作相度
紹興府和買利便所稱呼於禮部關借印一顆行使合
要前後臣僚及官司申請措置紹興府和買案牘令戶
部降下并轉運司關借其公吏等於內外諸處官司指
名踏逐選差並行重祿從之 慶元四年十月三日詔
點檢三總領所淮東遣大理寺主簿謝嚴淮西司農寺

主簿謝大過湖廣軍器監主簿潘子韶各盤量椿積米
嘉定四年十二月八日尚書省言已降指揮頒行新
會下諸路監司州軍收換第十一界第十二界第十三
界舊會有新會並要作七百七十文足行使節次指揮
該載已足詳盡監司州縣皆當恪意奉行尚慮循習舊
來弛慢之弊或有違戾合議差官前往諸路州軍體訪
催督詔差司農丞林行知前去嘉興府平江府常州江
陰軍鎮江建康府太平州將作監主簿邱壽萬前去紹
興慶元府台溫處州建寧府監登聞鼓院汪必進前去
湖州廣德軍寧國府池州南康軍江州興國軍籍田令
王棐前去嚴徽婺衢信饒州隆興府撫州臨江軍吉州

各限三日起發監州縣尚有違戾去處仰所差官開具
當職官吏職位姓名申取朝廷指揮所差官吏止許帶
人吏二名聽從四名令尚書省斟量日支食錢仍於封
樁下庫以新會支給經由州縣並不得輒受宴會饋送
亦不許更行批支口券其合用兵級於經過州縣差撥
二十人使喚逐州交替 梁迥以閤門使使江南冒于
貨賄誅求無度凡所貢時果食物貯以金銀雜寶器者
悉留陶漆者還之初甚毅然不御酒食鮮語忤強雖承
迎曲至無以得其歡心後主與群臣甚憂既而厚賫貨
直數十萬緡迥大喜過江登舟宴樂為酒令呼伶人奏
戀情歡曲戀戀數日不發南中士人多笑之

聖唐改

宋會要

茅山志

三言寫在六云下房經堂
一林寫寄案云

諸遣使拔龍簡處建道場三晝夜設醮一百二十分若
遣使或差官致祭設齋醮所須之物並檢舉及時辦集
若使人過有須索差擾者隨處具奏江南道名山衡廬
茅蔣天目天台會稽四明括蒼緡雲金華大庾武夷唐

地志亦云
舊唐書無年月
姑附于此

宋會要

禮儀

康定二年正月十二日命諸路安撫使副翰林學士王堯臣禮賓副使王易陝西路知制誥王拱辰西京左藏庫副使恩州刺史馬崇正益梓州路知制誥賈昌朝閤門通事舍人徐奎河北路三司度支副使楊吉西京左藏庫副使彭再問河東路御史知班張錫內殿崇班慕容惟恭利夔路侍御史論程京東一路侍御史魚周詢京西路開封府判官方偕江南東西路施昌言淮南路三司判官魏兼兩浙路范宗傑荆湖北路橫班東西班諸司使唐制百職皆九寺三監分典開元中始置諸使其後漸增由是寺監之務多歸諸使朝廷每有制誥

則云諸司諸使以該之多以內侍省官或將軍兼充天祐後五代用外朝臣以卿監將軍及刺史以上領使本朝定該內客省使至閤門使謂之橫班皇城使以下二十名謂之東班宮苑使以下二十名謂之西班初猶有正官充者其後但以檢校官為之或領觀察防禦團練使刺史內客省使崇正殿受朝則客省使副使引進使副使四方館使始有為卿監專判者皇朝初以檢校官判館淳化四年東上閤門使副使西上閤門使副使以上為橫班延福宮使明道元年景福殿使大中祥符五年宣劉承規以久疾辭職特宣慶使舊諸司使止於宣政使置是名班在客省使止宣慶使大中祥符九年東封禮畢宣政使李神福宣政使淳化五年以王繼恩有平賊當遣職特置使名宣政使職之功特置使名以授之

宣使淳化四年置以皇城使王延德以上朝參位在東

班前皇城使副使翰林使副使唐有翰林使掌技術之

茶酒使後止云翰林使尚食使副使御厨使副使軍器庫

使副使儀鸞使副使唐置營幕使後置同和院使梁開

弓箭庫使副使唐有內弓箭庫使宋衣庫使副使初置

內衣庫使東綾錦使副使西綾錦使副使東八作使副

使西八作使副使舊八年始分西東牛羊使副使香藥

庫使副使權易使副使舊有香藥易羶鞮使副使唐有

一使坊使五代合為鞍轡庫使副使唐神策軍有御

之酒坊使副使唐初有酒坊使皇朝法酒庫使副使周平

河中得酒工王恩善造翰林醫官使副使以上二十使

法

西

為東班宮苑使副使左驂驥使副使右驂驥使副使有唐
飛龍及小馬坊使梁有天驥後唐復為飛龍小馬坊使
長興元年改飛龍院為左飛龍院小馬坊為右飛龍院
太平興國三年改左右驂驥院使名從之內藏庫使副使與太平
熙寧二年改左右驂驥院使名從之內藏庫使副使與太平
初置內藏左藏庫使副使納唐五代有使皇朝因之
庫及使名左藏庫使副使納唐五代有使皇朝因之
作坊使副使西作坊使副使南唐北熙寧三年改今名皇
朝因莊宅使副使六宅使副使王唐所屬為名或總云十
之六宅後止云六文思使副使內園使副使洛苑使副使
宅皇朝因之
如京使副使侍儀使副使唐有開廐使太平西京左藏
庫使副使西京作坊使副使東染院使副使西染院使
副使唐有染坊使太平興國三年福賓使副使供備庫
使副使太平興國三年改庫名為以上二十使為西班

太宗雍熙四年五月以侍御史鄭宣司門員外郎劉墀
戶部員外郎趙載並充如京使以殿中侍御史柳開為
崇儀使左拾遺劉慶為西京作坊使先是太宗以五代
戰爭以來自節鎮至刺史皆用武臣多不曉政事人受
其弊帝欲兼用文士漸復舊制故先擢宣等為內職是
月以右拾遺曹諫為崇儀使初諫知定遠軍會戎人入
寇兵少而城不固人心危懼欲降於虜諫斬數人乃定
因率屬士卒虜不敢犯遂引兵去帝聞之降詔教獎賜
五品服未幾召赴闕改授此命 淳化四年二月以皇
城使蘇州團練使王延德皇城使河州團練使王繼恩
莊宅使羅州刺史杜彥鈞並為昭宣使諸司使舊無使

額詔有旨特置仍定立位在東班諸司使前別為一行
排立定俸錢三十千 五年八月以劔南招安使昭宣
使王繼恩為宣政使順州防禦使先是繼恩有平賊之
功中書建議欲以為宣徽使太宗曰朕讀前代史書多
矣不欲令宦官干預政事宣徽使執政之漸也止可授
他官宰相等慫恿言繼恩有大功非此任無足以議賞典
帝怒深責丞相等不能為朝廷惜名器因命翰林學士
張洎錢若水議別立宣政使之目序立在昭宣使之上
以授之 真宗大中祥符五年十二月以宣政使同修
玉清昭應宮副使新州觀察使初承珪屢表乞退宰相
曰承珪歷事三朝志存忠謹年未甚高而體中多病者

由勞心勤身所致也宜少減煩冗別加美名以示優寵
真宗曰可特授景福殿使仍改州鎮班在客省之上特
定殿使月俸如內客省使而給實錢景福置使自此始
也時劉承珪以疾乞致仕特置此職以寵之天禧元
年十月新授供備庫使邵文昭供備庫副使徐繼和言
並立自樞密院諸房副承旨主事授官望准例帶舊俸
給詔文昭從所奏繼和月給見錢目餘如內諸司副使
之例四年閏十二月翰林醫官使霍炳為權易使兼
翰林醫官使仍給見俸他人不得引為例仁宗慶歷
五年閏五月十七日引進使恩州刺史王克基以節度
副使繫職三十五年特乞解換一防禦使承出外重難

任使詔除遙領陵州團練使知本州事 皇祐四年八

月以權廣州番禺縣令蕭注為禮賓副使仍權發遣番禺縣事實補繫繫賊之勞也 五年六月十九日詔諸

司使副至三班使臣應在京職任者除閤門臣僚外餘皆不許連兩任從侍御史毋湜言也 至和二年十二

月詔武臣嘗有職濫者毋得遷橫行其有戰功者許之初閤門通事舍人柴貽範乞遷閤門副使御史言其嘗

生濫事免官不可以例除也 嘉祐三年八月詔立定橫行員數客省引進四方館各置使一員東西上閤門

使共二員閤門引進客省副使共六員副使通事舍人共八員內閤門副使轉引進副使引進副使轉客省副

使即依諸司副使磨勘條例施行遇閤門使有關則以次遷補不拘磨勘年限內有歷閤門職事後別無近上臣僚同罪奏舉及曾犯贓及私罪杖以上情理重者若遷補名次到日並與別除它官內有任東西閤閤門使或四方館使及七年無私罪未有員闕遷補者與加進郡其改正任者須是授引進使及四年轉充團練使客省使及四年轉充防禦使其戰功并殊常績效非次拔擢者勿拘 三日詔自今客省引進四方館各增置使一員以六員為額東西上閤門使共增二員以六員為額閤門引進客省副使共增二員以八員為額閤門通事舍人增二員以十員為額所添員數須俟逐官依定

條年限合該遷轉如遇有闕即與添差諸司副使兼閤門通事舍人年限合該磨勘依舊例如在閤門供職與轉七資若不在閤門供職與轉五資十月四日詔客省引進四方館使自今遇有員闕須改官及四年以上方聽以次除授之英宗治平二年五月一日樞密院言諸司使額并正刺史以上及皇城使並無磨勘年限橫行使付至閤門通事舍人定員稍狹并諸司副使磨勘改諸司使永例過優俱未適中今欲盡為永制皇城付使宮苑付使該磨勘者各於本班使額從下與升五資改轉諸司使其自左藏庫副使已上因酬獎及非次改轉者即依舊例轉皇城副使並從之神宗熙寧五年十

一月二十六日詔今後諸司使副磨勘歷任內有戰功
曾經轉官酬獎者與轉七資使額其餘並轉五資所有
閣門通事舍人帶御器械者兩省都知押班勾當御藥
院使臣等轉七資使額條例更不施行舊諸司使副有
戰功者磨勘改官率用常調轉五資上謂無以褒勵武
人而閣門兩省職事皆左右近習非熟勞不可超躐故
有是命 哲宗元祐三年十月二十八日詔橫行使副
無兼領者許兼宮觀一處月給食直錢使十五千副使
十千其宮觀合破添給勿支 徽宗政和二年九月二
十九日詔曰昔神考董正治官肇建大階以祿多士聯
職合治各有等差名實既賓以克用乂而武選官稱循

弘末世有志未就以迄于今述而後明靡敢怠廢朕夙
夜惟念易而新之訓迪厥官自我作古夫名不正則言
不順言不順則事不成凡爾有官尚謹乃止欽我成憲
其爾之休所有武階磨勩遷改請給奏蔭等事凡厥恩
數悉如舊章咨爾有衆祇于新書毋忽 橫行新官通
侍大夫舊官內客省使正侍大夫舊官延福宮使中侍大夫舊官景福宮使中
亮大夫舊官客省使中衛大夫舊官引拱衛大夫方舊官四館使左
武大夫舊官東上閤門使右武大夫舊官西上閤門使中亮郎舊官進引
中衛郎舊官進引左武郎舊官東上閤門使右武郎舊官西上閤門使右
一十二階大夫帶遥郡仍舊內通事舍人閤門祇候看
班祇候仍舊皇城使以下新官武功大夫舊官皇城使武德

大夫

舊官宮苑使左右武顯大夫
舊官左藏庫使東武

節大夫

舊官莊宅使六武略大夫
舊官內蘭使洛苑武

經大夫

舊官西京武義大夫
舊官西京使禮賓使東武翼

大夫

舊官供右八階帶遙郎仍舊皇城副使以下新官

武功郎

舊官皇城副使武德郎
舊官宮苑副使左右武顯郎

坊

舊官左藏庫副使東武節郎
舊官莊宅副使六武略

郎

舊官內園副使崇儀副使武經郎
舊官西京左武義郎

舊官

西京副使禮賓副使武翼郎
舊官供備醫職新官和

安大夫

成和大夫成安大夫成全大夫
舊官軍保和大

夫

舊官西保安大夫
舊官翰林良醫
舊官翰林和安

郎

成和郎成安郎成全郎
舊官軍器保和郎
舊官西綾

保安郎

舊官
易副使

翰林醫正

舊官
翰林醫官副使

詔令吏部依此頒

行三年八月三十日詔官爵以待勞能今興事造功能

者輩出而官名不正非所以寵獎多士可下項依此郎

亦如之惟不置通侍右武左武拱衛親衛翊衛中衛中

亮中侍協忠履正宣正正侍通侍四年八月二十六日

詔自今雜流入仕因功賞推恩至武德大夫止不遷橫

行遙郡雖奉特旨許執奏九月十三日詔橫行額外

人不支真俸只支舊官請給十四日詔自今自今通侍

大夫須賓及四年方許換正任雖奉特旨亦令中書省

執奏仍令御史臺覺察彈奏六年十一月二日詔武

臣自今應自雜流入仕遷至橫行者其恩數請給奏薦

等並依武功大夫法著為令 三十日詔爵以待勞能
今興事之臣多而官不足可於武臣橫行內增置親衛
翊衛中侍協忠履正宣正正侍大夫 十二月二十日
詔橫行係雜流出身者遇宴衛免赴坐 宣和六年六
月二十二日詔近歲爵祿之濫見在京外官橫行一百
一十八人內在御前職事者止係五員係臣僚下者至
五十人官以親衛翊衛等為稱而給使於臣下不以為
嫌殆有五季跋扈之風應外官橫行可並以見今官為
數敢有陳乞轉行並奉行官司並以違御筆論雖奉特
旨止具奏知見任臣僚之家差遣或為管勾事務者並
罷無職任令吏部注擬

全唐文

宋會要提舉所

先是紹興三十二年六月四日詔張去為落致仕依前
延福宮使安德軍承宣使提舉德壽宮仍詔以提舉德
壽宮為名依所乞令工部下所屬鑄造印一面應行移
公式等並依入內省見行條例施行差點檢文字使臣
二人支本等驛券外每月添給錢一十五貫贍家錢一
十五貫並三年為任任滿無遺闕與減三年磨勘再留依
此又主管文字三人書寫人二人其請給等主管文字
依入內省書令史書寫人依書史見請則例吏破內有
名目人每及五年轉一官資白身人候實及七年與補

進武副尉出職所差使臣人吏被差官司如有拘礙不
許抽取條制指揮特依令來指揮日下發遣仍於皇城
司指差巡視背印投送親事官各二人及於臨安府差
有管業牆兵士六人 紹興三十二年六月十一日詔
應在內日常應奉諸司仰輪差諸色官吏等赴德壽宮
如法應奉不得少怠有違以大不恭論應奉人數并物
色可令應奉諸司各行差破宿衛並執役物人可令殿
前司皇城司等處脩具料差德壽宮諸門依皇城門及
宮門法仍依行宮大內置巡警守衛一切務令如法
十二日詔左武大夫昭慶軍承宣使董仲永入內侍
省東頭供奉官寄資武功大夫逆群團練使幹辦御藥

院陳子常並差提點德壽宮武翼郎帶御器械特添差
兩浙西路兵馬鈐轄宋鈞閤門宣贊舍人權點檢閤門
簿書公事兼宣詞令宋直溫並差兼德壽宮管幹事務
十三日敕應德壽宮見今侍衛親從官僚等於今敕
合轉官外特與合轉兩官資礙止法者許回授 同日
詔太史局每日輪差主管文德殿鍾鼓院官一員司辰
直官局學生內通輪二人德壽宮祇應 十五日左武
大夫昭慶軍承宣使新差提點德壽宮董仲永等言被
旨差仲永等提點德壽宮今來事初全集使臣人吏管
幹事務乞差點檢文字使臣一人主管文字二人書寫
二人起辦內照檢文字使臣許於已未到部見任得替

待闕兼見領職局大小使臣校副尉內指差與支本等
驛券每月添給錢十二貫贍家錢八貫三年為任滿
無遺闕與減二年磨勘再留依此主管文字書寫人許
於已未到部使臣校副尉及內外官司人吏內指差其
請給等主管文字依入內省書吏書寫人依貼司見請
則例支內有名目之人每及六年轉一官資白身人候
實及八年與補進武副尉出職所差使臣人吏被差官
司如有拘礙不許抽差相兼條制指揮等特依今來指
揮日下發遣從之 十七日詔德壽宮差吏部大小使
臣三十員充本宮祇應可添校尉二十員與大小使臣
家同抵應請給破券理任等依使已得指揮施行並聽

本宮指差 二十一日詔德壽宮應修造合用工匠糧
木可割與提舉官報所屬支供 二十六日詔張去為
差提舉德壽宮請給人從恩例並依入內省都知見行
指揮條例施行 七月一日詔右武大夫福州觀察使
入內內侍省副都知林肇特授宣政使保康軍承宣使
差遣如故以提舉修蓋德壽宮畢推恩也 十七日詔
德壽宮提點官內許依舊任差政人從者可差兵士一
十人幹辦事務官四員可各差兵士八人並充白直使
喚遇闕並報步軍司差填 同日詔幹辦內東門司梁
康民張安中並轉歸吏部特與免參部先次出給料錢
文歷並特添差兩浙西路兵馬鈴轄臨安府駐劄請給

人從等並依正官則例支破依舊兼德壽宮幹辦事務

二十七日詔修內司修蓋德壽宮了畢官吏兵匠等

推恩內第一等與轉兩官資第二等與轉一官資減三

年磨勘第三等與轉一官資礙止法人特與轉行願回

授者依條回授白身人徒有名目或出職日特依令來

所轉官資收使餘人並本宮支犒設 八月十六日詔

延福宮使安德軍承宣使提舉德壽宮張去為特授安

慶軍承宣使差遣如故以修蓋德壽宮推恩也 二十

二日入內內侍省東頭供奉官睿思殿祇候德壽宮提

轄造作任訴奏入內內侍省侍殿頭王楫差充德壽宮

監造官申請下項一乞以德壽宮監造為名一乞量行

差手分一人抄寫人二人許於內外官司人吏內指名
差填其請假手分依修內司手分抄寫人依貼司見請
則例支破候實及十年與補進武副尉出職一修內司
發認本宮推武壯役工匠搭材共三百八十七人即未
有立定額數軍分指揮令乞以五百人為額並發充雄
武指揮其請給關所屬依雄武見請則例批勘從之
十一月三日詔御輦院下都營撥屬德壽宮 隆興元
年三月二十七日詔隨太上皇帝過德壽宮應奉官吏
諸色人依款各轉兩官資應續差到宮人各與轉一官
資今後准此 四月十三日詔殿前司先差到官兵一
百六十七人德壽宮周圍擺鋪於本宮後添修營寨移

逐人老小居住可令本司更差軍兵三十三人充在營
把門打火看寨差使通作二百人 七月二日詔德壽
宮應奉官吏等昨降指揮依赦各轉兩官資數內白身
人吏給到轉資公據內無計日後收使之文可依例並
候有名日日特作兩官資收使并續差到官人各合得
轉一官內白身人吏依此候有名日日特作一官資收
使已出公據今所屬換給其儀鸞司車子官健革官內
有礙止法人並與依已轉行兩資人例特於見今職名
上轉行今後准此 十一月十四日詔安慶軍承宣使
提舉萬壽觀張去為依前差提舉德壽宮 二十日詔
古通議大夫試兵部尚書兼戶部尚書兼點檢軍激

賞酒庫錢端禮賜同進士出身除端明殿學士簽書樞密院事兼權參知政事兼提舉德壽宮 十二月二十

六日德壽宮彈壓擺鋪官兵宣祐等狀係殿前司入隊帶甲人數擺鋪合得身分請給乞下所屬依南皇城下擺鋪官兵支折請給體例施行從之 二年二月十二

日詔武德郎主管佑神觀兼德壽宮幹辦事務李思溫武經郎主管佑神兼德壽宮幹辦事務梁紹祖並特令

再任依舊兼德壽宮幹辦事務 乾道二年五月二十

二日詔德壽宮官吏諸色人等應奉有勞並特與轉行

一官資今後實及五年准此內礙止法人特與轉行願

回授者聽白身人吏候有召目日作一官資收使前項

官吏仍不隔磨勘 九月九日詔武顯大夫吉州刺史
提點德壽宮特添差兩浙西路兵馬鈐轄臨安府駐劄
梁東民候令任滿日特陞差本路馬步軍副總管依舊
臨安府駐劄 十四日詔武顯大夫忠州團練使特添
差兩浙西路兵馬鈐轄臨安府駐劄兼德壽宮幹辦事
除張安中兩任並無遺闕候令任滿日特陞添差兩浙
西路馬步軍副總管依舊臨安府駐劄為依德壽宮幹
辦事務請給人從等特與依正官則例支給 三年十
二月十五日詔武功大夫鼎州團練使李玘特與轉眉
州防禦使以提點德壽宮彈壓擺鋪軍兵年勞也 四年六
月八日詔翰林醫官診御張德壽宮祇應李延年供進

德壽宮湯藥有勞特與轉一官 八月八日詔恭奉太
上皇帝聖旨醫官朱仲謙為醫藥有勞特與賜紫服色
仍於祇候庫取賜 十二月二日詔恭奉太上皇帝聖
旨百姓大方脉科醫人趙確特與補翰林醫學差充德
壽宮祇應 五年八月十二日詔隨龍武功大夫壽聖
太上皇后殿幹辦人船鍾秀昇特添差臨安府兵馬鈐
轄依舊兼壽聖太上皇后殿幹辦人船 六年閏五月
七日詔武義大夫劉堯勛特除帶御器械兼德壽宮幹
辦事務 七年五月二十四日詔德壽宮官吏諸色人
等昨於乾道二年五月二十二日為應奉有勞並特轉
一官省了當今後實及五年往此今年已及五年可依

已降指揮並特與各轉一官資仍不隔磨勘內礙止法
人特與轉行願回授者聽白身人吏候有名目日特作
一官資收使 六月十六日詔雄武指揮軍兵應奉德
壽宮年勞推賞緣昨步軍司申請上件人兵作工役禁
軍於副都頭已上每兩資作一資補轉其逐人為係德
壽宮祇應今該恩賞可將副都頭已上之人每月特作
一資轉行 九年五月六日詔德壽宮應奉官得旨添
差外餘並不許添差

宮觀使

宮觀使副使判官都監提舉提點管勾及外宮觀凡

侍從

及勲戚武臣內臣兼領在京宮觀並附此餘官別

入外宮觀

祥符七年八月宰臣向敏中為景靈宮使

十一月八日以修玉清昭應宮使叅知政事丁謂進工

工部尚書充玉清昭應宮副使二十七日以右正言直

集賢院晁竦為玉清昭應宮判官賜金紫入內侍省

押班周懷政為玉清昭應宮都監勾當景靈宮會靈觀

事內殿承制鄧守恩同勾當玉清昭應宮景靈宮會靈

觀使八年八月十八日以三司使工部侍郎林特為

戶部侍郎同玉清昭應宮副使二十三日以同玉清昭

應宮副使戶部侍郎林特為修景靈宮使兼管勾景靈

宮會靈觀公事九月令玉清昭應宮判官又正言直集

院夏竦同管勾景靈宮會靈觀公事

九年正月工部

尚書叅知政事丁謂進刑部尚書充會靈觀使五月以

尚書右丞趙安仁為景靈宮副使先是丁謂充修景靈

宮使兼管勾宮事至是安仁受命丁謂管勾景靈宮太

極觀公事八月以制誥劉筠為景靈宮判官供備庫

副使周懷信為都監時周懷政勾當公事而常在禁中

故增置一員遞宿是月以翰林學士李迪為會靈觀

使知制誥樂黃目為判官東染院使鄧守恩為都監以

周懷政勾當管觀事而常在禁中故增置一員遞宿

是月又以西京左藏庫副使帶御器械王承勛為同玉

清昭應宮都監以周懷政為都監常在禁中故增置一

員通宿 九月以翰林院學士楊億權管勾景靈宮副
使事是月詔王清昭應宮景靈宮會靈觀移牒並本使
書檢副使已下書衙發遣 天禧元年三月以樞密使
同平章事王欽若充會靈觀使七月以宰臣王旦為太
尉充王清昭應宮使九月以翰林學士李迪為給事中
叅知政事依充會靈觀副使 二年正月以宰臣王欽
若管勾新修祥源觀 三年正月以翰林學士盛度權
管勾會靈觀判官公事是月以王清昭應宮判官知制
誥陳堯咨為龍圖閣直學士官職如故 四年八月以
翰林學士錢惟演為樞密副使兼會靈觀使 十一月
以樞密副使錢惟演管勾祥源觀事五年正月以內殿

承制皇太子宮祇候劉從源內殿崇班史宗信同管勾
祥源觀事三月以翰林學士承制李惟權管勾會靈觀
使副事四月以翰林學士李詒權管勾景靈宮判官事
知制誥錢易權管勾會靈觀判官事 仁宗乾興元年
未改元七月以龍圖閣直學士馮元為會靈觀副使是
月以樞密副使都大管勾祥源觀事錢惟演為祥源觀
使十一月以入內侍副都知周文質管勾祥源觀事
天聖元年呂夷簡為相時朝廷宗奉之意稍緩因請罷
使名熙寧中富鄭公弼領集禧觀使居洛北宮觀使居
外之所從始也天聖六年十二月以叅知政事魯宗道
充祥源觀使七年七月宰臣呂夷簡樞密使張昞樞密

侯宮觀

宮觀

副使夏竦各上表乞罷宮觀使乃降詔曰近以紫虛之
館烈燭致燔方祇答於監觀實內懷於省懼誕頒詔諭
已輟繕完眷諸列真之庭皆有侍祠之使存陳封奏聲
叙勤能以謂國家因事建官非為定制隨時適變必在
更張況薰薦之儀備存科式典掌之事咸著規模當謹
飭於攸司俾奉遵於成範無煩總領可致潔蠲既援理
以甚明固在禮而無越勉依所請庶協從宜其宮觀使
並罷判官使臣今同管勾本宮觀公事

明道中錢惟演以使相為景靈宮使

續宋會典

寶元元年九月以滁州防禦使劉從廣勾當會靈觀二
年九月二十一日管勾祥源觀季淑言管勾官等當直

兵士各無定數檢會條制宮觀副使當直十二人判官
都監各十人承受管勾使臣並比類減定人數比時本
觀有清衛兵士二百人故定此額後經減省今只雜役
兵士一百人管勾官所占兩番有過元數者伏緣觀宇
地遠叅雜民居近歲北門外營屋延火去牆至近修葺
掃除全無人使除當直外防守少人甚非先朝崇奉之
意忝在官守欲乞特降勅命別定勾當官十二人同勾
當官十人承受及真儀官四人嚴切遵守不令別有廢
闕照得更分番次虛占數外役使并擅抽地分他處指
使委本觀覺察聞奏依律斷罪從之康定元年九月資
政殿大學士李若谷提舉會靈觀事若谷罷叅知政事

為提舉自後學士知制誥待制皆為提舉慶曆五年二月五日京東路同提點刑獄公事崇儀副使耿從正言年齒已高乞提舉兗州景靈宮太極觀從之閏五月宣徽北院使李用和為景靈宮使八年九月徐州觀察使楊景宗提點萬壽觀皇祐元年六月以邢州觀察使李端愿管勾祥源觀公事至和元年十二月觀文殿大學士晏殊提舉萬壽觀事嘉祐四年二月鎮東軍節度觀察留後李端愿同提舉萬壽觀六年四月十七日宣慶使武信軍節度觀察留後石全彬言已罷羣牧副使乞提點東西兩太一宮從之英宗治平元年正月八日景福殿使武信軍節度觀察留後石全彬言今提點東

宮觀使

卷一百三十三

西太一宮奉先禪院乞再任宮觀以禮衰老從之 三

年八月以武康軍節度使李端愿為醴泉觀使 治平

四年神宗即位未改元 九月觀文殿大學士富弼為集

禧觀使十月復判河陽熙寧元年四月再充使

神宗熙寧二年十二月二十四日詔宮觀差遣不限員

數差知州資序人以上須精神不至昏昧堪任釐務者

充以三十箇月滿替三年正月二十六日詔應宮觀差

遣除兩制已上臨時取旨外餘候到闕體量定差五月

十四日詔杭州洞霄宮永康軍文人觀亳州明道宮華

州雲臺觀建州武夷觀台州崇道觀成都府玉局觀建

昌軍仙都觀江州太平觀洪州玉隆觀五嶽廟太原府

興安王廟今後並依嵩山崇福宮舒州靈仙觀置管內
或提舉官先是上以諸臣歷知州有衰老不任職者令
處閑局今增諸道員數使便鄉里示優恩也二月二十
七日諸諸州宮觀嶽廟所差提舉管勾官等合給添支
大兩省大卿監及職司資序人依本人見任官知小郡
例知州資序人依本人見任官小郡通判例武臣即比
類施行若遙郡以上罷正任及遙郡換南班官元係文
資換者却與換文資內有功績殊異者別取旨四年五
月詔應臣僚陳乞宮觀并國子監差遣除大卿監已上
及朝廷特旨與差從中書旨揮外餘并送審官東院于
十一月十六日詔應提舉管勾內外諸宮觀及嶽廟官

常留一員在彼餘聽如分司致仕例任便居止五年十月十七日詔自來提舉提點在京宮觀寺院文武官未有定制應武臣橫行使并兩省押班已上並充提舉餘官充提點六年四月詔應宮觀差遣係大卿監及職司并本州知州自來管勾者並充提舉餘官管勾九月十四日以莊宅使帶御器械知鎮戎軍張璠為右驂驥使提點鳳翔府太平宮璠有戰功以病請退故遷官以閑局處之八年正月二十五日以皇城使忠州團練使馬偁管勾兗州仙源縣景靈宮太極觀宮公事尋除偁大將軍以閑職難仍舊官也閏四月十八日詔今後武臣遷郡刺史以上曾立五路路分鈐轄不因體量并有戰

功曾經轉資歷路分都監以上差遣不以官資並許陳
乞外處宮觀差遣九年五月一日以殿中丞曾孝紀同
管勾西京崇福宮從父公亮所乞也孝紀監當資序得
管勾宮觀用父恩也熙寧十年六月十四日鎮南軍節
度使同平章事判江寧府王安石為集禧觀使居金陵
從其請也元豐元年正月九日集禧觀使鎮南軍節
度使同平章事王安石為尚書左僕射觀文殿大學士
集禧觀使先是安石辭使相乞以本官領宮觀屢詔不
允而安石辭不已故有是命十月十八日詔左藏庫
使昌州刺史曹誌提點萬壽觀其先差提點萬壽觀皇
城使嘉州團練使劉永壽提點醴泉觀以誌太皇太后

之姪故也五年六月三日詔禮賓使英州刺史幹當皇城司向宗良提點中太一宮兼集禧觀十一月十八日門下省奏樞密院差入內東頭供奉官李宗立領萬壽觀不當為提點詔改為主管六年四月十八日詔前宰臣執政官宮觀差遣添支依知大藩府祿令給二十八日詔宮苑使榮州刺史幹當軍頭引見司時君卿為皇城使嘉州團練使提舉醴泉觀上以君卿昔事濮邸先帝遇之甚厚故也八年五月十四日詔資政殿大學士兼侍讀呂公著提舉中太一宮兼集禧觀公事七月十二日資政殿學士韓維兼侍讀仍提舉中太一宮兼集禧觀公事十二月二十四日龍圖閣待制兼侍讀趙彥

若提舉萬壽觀公事 哲宗元祐元年十月六日以内
侍省內侍押班梁惟簡管勾景靈宮十六日端明學士
光祿大夫范鎮落致仕提舉中太一宮兼集禧觀公事
兼侍讀二年八月八日給事中張問提舉醴泉觀問移
疾逾兩月就私第書省中事御史趙屺論之問亦自陳
故有是命三年五月二十四日觀文殿學士正議大夫
孫固提舉中太一宮兼侍讀十月二十八日詔橫行使
副無兼領者許兼宮觀一處月給食直錢使十五千副
使十千其宮觀合添給勿支四年十二月二十五日御
寶批訪聞近降旨揮提舉提點集禧醴泉等處宮觀只
許非時點檢官物月押簿歷外餘並鴻臚寺施行今來

提舉提點在京宮觀與提舉提點外處宮觀事體不行如非時同幸之類若凡百責辦鴻臚一司必致闕事魚恐經久難行可除減官吏并吏祿外餘並一切依舊六年詔橫行狄諮宋球既領皇城司罷提點醴泉觀正月十二日彰德軍節度使知陳州馮京為左銀青光祿大夫觀文殿學士兼侍讀充中太一宮使京知河陽告老徙陳州過國門辭甚疾故有此除非前宰相除宮觀使自京始八年三月五日詔尚書右僕射蘇頌引年乞解機政可依所請特除觀文殿大學士充集禧觀使六月十二日中大夫守尚書左丞梁燾充資政殿學士同醴泉觀使先是燾以疾求罷有詔與在京宮使宰相以故

宮觀使

事非宰相不除使遂置同使之名以寵之按元祐六年馮京已除中太一宮使燾非事始也卻掃篇元祐間梁左丞燾罷政事除資政殿學士特創同醴泉觀使之名以命之梁公言故事無以學士領宮觀使者且同使之名前所未有方辭不受然是是前二府往往以學士直為宮觀使之名不復除矣

元符三年未改元八月二十一日詔觀文殿大學士中太一宮使范純仁免其在京供職許歸潁昌府上初召純仁欲以為相日行其至而純仁目疾益甚累章乞骸骨不得已從之九月四日詔安燾服闋可依前左正議大夫除觀文殿學士提舉中太一宮兼集禧觀公事兼

侍讀十一月十八日左正議大夫尚書右丞黃履為資
政殿大學提舉中太一宮仍免朝參履自春初召還即
苦舌瘍不能奏事久乞罷退至是得請 崇寧五年二
月十三日詔司空尚書左僕射兼門下侍郎蔡京除開
府儀同三司安遠軍節度使充中太一宮使 大觀元
年三月十一日特進尚書右僕射兼中書侍郎趙挺之
除觀文殿大學士佑神觀使三年正月十五日靜江軍
節度使王薦除檢校司空河陽三城節度使中太一宮
使以靖和皇后葬事既畢加恩故也三月三十日中太
一宮使武康軍節度使姚雄為右金吾衛上將軍充醴
泉觀使六月一日中大夫同知樞密院事管師仁除資

政殿學士充佑神觀使四日太師尚書左僕射蔡京為
中太一宮使四年二月二日詔龍圖閣學士通議大夫
新知杭州張商英除資政殿學士充中太一宮使十月
一日皇后言族姪居中位樞府久中任臺省未敢受命
上謂輔臣曰后意甚確且陳經史以漢唐后族為戒居
中可除觀文殿學士中太一宮使久中除龍圖閣學士
提舉醴泉觀政和六年五月二十八日詔措置宮觀
如萬壽醴泉近百員建隆迎真儲祥儲福儲慶宮處並
可差官仍差中太一宮佑神醴泉萬壽觀見今員多處
改填逐處見闕其建隆觀今後更不立額提舉中太一
宮兼佑神觀張秀陳仲存提舉醴泉觀石端提舉萬壽

觀馮鐸並改提舉建隆觀提點萬壽觀宋孝廉王愷差
提點建隆觀提舉中太一宮吳庠陳仲堅提舉萬壽觀
王從善並改提舉上清儲祥宮提舉中太一宮鄭子奇
提舉萬壽觀劉景宣趙希魯並改提舉太清儲慶宮提
點中太一宮宋孝莊王行提舉萬壽觀李詢仁王侑並
改提舉玉清儲福宮提點中太一宮陳仲善提點萬壽
觀曹暉並改提點玉清儲福宮並令免兼書公事文獻
通考徽宗建玉清萬壽宮乃命宰執兼使副用真廟故
事也近以前宰執奉朝請者領在京宮觀使而在外舊
相只除提舉宮觀非祖宗優待宰相之体靖康以來猶
未釐正蓋朝廷未暇講也政和八年太師魯國公蔡京

少傅太宰鄭居中少保少宰余深檢校太保領樞密院
事童貫並兼充神霄玉清萬壽宮使知樞密院事鄧洵
武門下侍郎薛昂中書侍郎白時中尚書左丞王黼宣
和殿大學士蔡攸並兼充副使 卻掃篇政和中詔天
下咸建神霄玉清萬壽宮復置使宰相使相領之執政
為副使侍從為判官判官惟盛章嘗以開封尹領之他
未嘗命而天下郡守皆兼管勾通判兼同管勾雖前二
府領州如之蓋欲重其事也輔臣既罷領宮觀使其後
惟以使相節度宣徽使為之無所職掌奉朝而已宣和
五年四月十三日觀文殿學士通奉大夫鄧洵仁為佑
神觀使七年正月二十四日奉國軍承宣使樞密副都

承旨知東上閤門事鄭成之為安德軍節度使上清寶
錄宮使領東上閤門職事二十五日詔保和殿大學士
銀青光祿大夫致仕孟昌齡宣勞頗多可落致仕除醴
泉觀使應恩數從人等並依近例施行四月十一日檢
校少傅慶遠軍節度使王安中為檢校少師充上清寶
錄宮使兼侍讀 欽宗靖康元年正月四日特進太宰
兼門下侍郎神霄玉清萬壽宮使慶國公白時中為觀
文殿大學士中太一宮使二月十四日起復特進太宰
兼門下侍郎李邦彥為觀文殿大學士中太一宮使十
七日檢校少保同知樞密院事种師道為檢校少傅鎮
洮軍節度使中太一宮使二十四日中書侍郎王孝迪

為資政殿學士提舉醴泉觀孝迪執政總一月言者攻之乃上章乞罷故有是命同日觀文殿大學士中太一宮使白時中知壽春府時中乞在外宮觀於壽春居正上特以郡守處之三月三日太宰魚門下侍郎張邦昌為觀文殿大學士中太一宮使十三日殿前都指揮使檢校少傅奉國軍節度使開府儀同三司高俅為檢校太保中太一宮使六月二十九日詔內外官見帶提舉管勾同管勾神霄玉清萬壽宮並落去七月二十七日應道軍承宣使提舉亳州明道宮曹懔提舉醴泉觀十一月二十六日以簽書樞密院事李回提舉萬壽觀高宗建炎元年五月六日資政殿學士提舉醴泉觀充京

師撫諭使路允迪改差提舉南京鴻慶宮四年五月十三日叅知政事兼權御營副使王絢除資政殿大學士提舉萬壽觀兼侍讀始除資政殿學士上曰絢嘗為朕宮僚而除執政若不以罪去則必進職故有是命八月十三日資政殿學士權三省樞密院事盧益提舉醴泉觀兼侍讀紹興元年八月詔朱勝非與復宣奉大夫提舉萬壽觀兼侍讀初勝非罷同都督復知紹府辭上以勝非於苗劉之亂嘗有功特有是命二年十月保靜軍承宣使邢煥除慶遠軍節度使充醴泉觀使三年七月一日資政殿學士謝克家張浚並提舉萬壽觀兼侍讀五年七月一日詔任在京宮觀請給人從前宰執依見

任減十分之二開學士已上依六曹侍郎直學士已上
依中書舍人大中大夫已上依左右司郎中任樞密都
承旨開學士已上依六曹尚書直學士已上依六曹侍郎
大中大夫已上依中書舍人十八日資政殿學士主守
提舉萬壽觀兼侍讀八月三日親衛大夫貴州防禦使
吳德休提舉萬壽觀以自陳歷事四朝乞在京宮觀免
朝參從其請也七年正月二十一日詔前宰相執政官
見任宮觀每至任滿旋行陳乞再任緣曾宰相執如未
有除授即合依舊宮祠難以引用常法理為任數從中
書門下省請也八月十四日觀文殿大學士左正奉大
夫折東安撫制置大使兼知紹興府趙鼎除萬壽觀使

兼侍讀八年二月二十四日少傅鎮南定江軍節度使
知建康府呂頤浩除醴泉觀使免奉朝請任便居住十
二月二日檢校少保奉國軍節度使知紹興府趙鼎除
醴泉觀使免奉朝請任便居住先是鼎乞收遠節越改
除在外宮觀從其請也紹興十年六月十六日感德軍
節度使開府儀同三司充萬壽觀使高世則除景靈宮
使判温州主奉本州神御十一年四月十七日太尉慶
遠軍節度使知鎮江府郭仲荀除醴泉觀使免奉朝請
任便居住六月七日詔高士榮進正任防禦使提舉醴
泉觀二十六日太保護國鎮安保靜軍節度使三京路
招撫使劉光世除萬壽觀使免奉朝請任便居住先是

光世以疾自陳乞除一在外宮觀故有是命八月九日
少保樞密副使岳飛充醴泉觀使十月二十八日太保
樞密使韓世忠除太傅充醴泉觀使十一月二十七日
特進觀天殿大學士知福州張浚進檢校少傅崇信軍
節度使充醴泉觀使免奉朝請任便居住十二年四月
三日敷文閣待制秦梓提舉萬壽觀兼侍講十一月五
日大傅樞密使張浚進封清河郡王充醴泉觀使十三
年四月十日詔少師昭慶軍節度使平樂郡王致仕韋
淵落致仕除萬壽觀使仍奉朝請五月十五日保信軍
承宣使帶御器械邢孝楊提舉萬壽觀仍奉朝請以孝
楊乞宮觀差遣故也十五年十月十八日翰林學士承

旨秦熈除資政殿大學士提舉萬壽觀兼侍讀恩數並
依執政熈自資政殿大學士除知樞密院事力陳乞依
李淑故事避親罷職故有是命閏十一月十二日雄兵
部侍郎木友仁為教文閣待制提舉佑神觀仍奉朝請
十六年七月二十九日端明殿學士何鑄提舉萬壽觀
兼侍讀二十年八月三日詔保信軍承宣使提舉萬壽
觀曹勛許任便居住以勛引疾自陳從其請也二十一
年五月三十日吏部狀欲將任在京宮觀之人依在外
宮祠以三十箇月為任并元降旨揮任便居住之人若
無專降指揮令行在居住即不得擅至國門如有違犯
專委臺諫彈劾仍許本部覺察從之二十五年十一月

叅知政事萬俟卨除資政殿學士提舉萬壽觀兼侍讀
十二月十二日詔醴泉觀使孟忠厚令行在居住奉朝
請上曰昨緣徽宗梓宮須大臣宰相護送秦檜辭不肯
遂差忠厚以樞密使護葬朕深不欲以國戚任軍旅及
朝廷之事萬有一過朕罪之則傷恩釋之則廢法如太
后皇后之家子弟未嘗任之以事但加以爵祿奉祠安
閑而已三十二年五月十二日詔太傅寧遠軍節度使
御營宿衛使楊存中依舊醴泉觀使仍奉朝請以中書
門下省言御營宿衛結局也二十七日崇信軍節度使
開府儀同三司兼領殿前都指揮使職事趙畤除萬壽
觀使仍奉朝請 孝宗紹興三十二年即位未改元七

月十二日祕閣修撰江南西路計度轉運副使張宗元
為主管佑神觀仍奉朝請從宗元之請也八月六日昭
信軍節度使提舉萬壽觀曹勛特授太尉依前節度使
充萬壽觀使奉朝請二十六日祕閣修撰郭珉特與撫
鄂州觀察使提舉萬壽觀十月九日延福宮使崇慶軍
承宣使王晉錫為提舉佑神觀免奉朝請十二月十五
日敕文閣待制錢周材提舉萬壽觀兼侍講 隆興元
年三月十八日叅知政事張燾為資政殿大學士提舉
萬壽觀兼侍讀六月八日觀文殿大學士左金紫光祿
大夫提領臨安府洞霄宮湯思退為醴泉觀使兼侍讀
十二日太尉寧國軍節度使主管殿前司公事淮南西

司復

路招撫使兼權池州駐劄御前諸軍都統制李顯忠為
提舉萬壽觀仍奉朝請十八日大同軍節度使蒲察徒
穆彰德軍節度使大周仁並提舉萬壽觀二年五月二
十三日資政殿學士張浚為醴泉觀使從浚之請也七
月二十八日資政殿學士賀正中落致仕為提舉萬壽
觀兼侍讀九月二日太尉保信軍節度使領閭門事兼
客省四方館事提舉皇城司鄭藻為提舉萬壽觀仍奉
朝請繼除萬壽觀使十月三日少保觀文殿大學士充
醴泉觀使福國公陳康伯依舊醴泉觀使福國公陳康
伯依舊醴泉觀使任便居住先是康伯被旨赴闕奏事
以疾辭故有是命閏十一月四日叅知政事周葵為資

政殿學士提舉臨安府洞霄宮任便居住從葵之請也
乾道元年正月七日少保崇信軍節度使權殿前職
事趙密為醴泉觀使仍奉朝請以密告老故有是命二
月二十一日太傅寧遠昭慶軍節度使和義郡王楊存
中為醴泉觀使仍奉朝請三月二十五日昭慶軍承宣
使董仲永為提舉佑神觀免奉朝請給人從並依已降
指揮施行先以仲永為兩浙東路總管尋詔更不施行
故有是命五月二十七日忠州團練使新添差江南西
路馬步軍副總管江州駐劄郭安為提舉佑神觀以安
言告老乞依一般隨龍官例故也八月二十六日叅知
政事兼權知樞密院事錢端禮除資政殿大學士提舉

萬壽觀仍奉朝請二年八月三日敕文閣待制總領淮
西江東軍馬錢糧舟一報發御前軍馬文字兼提領措
置屯田楊億為提舉佑神觀仍奉朝請從優之請也三
年閏七月六日捧日天武四庫都指揮使武當軍節度
使領江府駐劄御前諸軍都統制兼提舉措置屯田威
方為提舉佑神觀十一月十七日威武軍承宣使提舉
建昌軍仙都觀張淵改提舉佑神觀四年九月十三日
延福宮使保康軍承宣使入內內侍省押班主管親賢
宅玉牒所都大提舉諸司林肇為提舉佑神觀免奉朝
請從肇之請也五年三月二十二日昭化軍承宣使提
舉佑神觀章誼候今任滿日待令再任仍奉朝請九月

十七日建武軍承宣使韋誼為提舉神佑觀仍奉朝請
十二月五日敷文閣待制提舉江州太平興國宮劉章
為提舉佑神觀兼侍讀六年四月十三日敷文閣待制
知秦州張子顏為提舉佑神觀仍奉朝請從子顏之請
也十八日集英殿修撰吳總主管佑神觀仍奉朝請十
一月十九日福州觀察使曾覲為提舉佑神觀二十九
日延福宮使保寧軍承宣使入內內侍省副都知賈竑
為提舉佑神觀免奉朝請從竑之請也七年三月二十
四日寶文閣待制提舉江州太平興國宮胡銓改除提
舉佑神觀兼侍講是日以宰執進呈虞允文奏曰胡銓
蚤歲一節甚高久謫海外誰人能及陛下即位首加收

名旋擢從班允協衆望今縱有小小過失謂當閤畧錄
其氣節不宜令遽去朝廷上曰朕昨覽臺章躊躇兩日
意甚念之但以四人同時論列不欲令銓獨留今卿所
言正朕意也梁克家奏曰銓流落海上二十餘年人所
甚難陛下不以衆人遇之幸甚上曰銓固非他人比宜
且除在京宮觀留侍經筵故有是句二十八日新除簽
書樞密院事張訢已改除安慶軍節度使提舉萬壽觀
其恩數立班並依前執政體例施行八年正月四日成
州團練使知閤門事兼客省四方館事兼樞密副都承
旨幹辦皇城司康濟特轉郢州防禦使為提舉佑神觀
三月一日敷文閣待制知台州韓彥直為提舉佑神觀

仍奉朝請從彥直之請也九年閏正月一日降授明州
觀察使提舉江州太平興國呂趙搏為提舉佑神觀仍
赴赴六叅起居八月二十三日敷文閣待制張子正為
提舉佑神觀從子正之請也九月三日延福宮使昭慶
軍承宣使提舉佑神觀免奉朝請 乾道元年正月十
日詔左通議大夫叅知政事兼樞密院事兼提舉
德壽宮錢端禮兼充德壽宮使十五日錢端禮言准初
差兼充德壽宮使今來乞以德壽宮使司為名行移合
依自來執政體例省院並係閑送所有印乞以德壽宮
使之印六字為文其人吏使臣止乞就差近德壽宮提
舉所已差人應干請給恩賞等行移之類並依提舉所

已甲降旨揮施行從之 先是紹興三十二年六月四日詔張去偽落致仕依前延福宮使安德軍承宣使提舉德壽宮仍詔以提舉德壽宮為名依所乞令工部下所屬鑄造印一面應行移公式等並依入內省見行條例施行差點檢文字使臣二人支本等驛券外每月添給錢一十五貫贍家錢一十貫並三年為任任滿無遺闕與減三年磨勘再留依此又主管文字三人書寫人二人其請給等主管文字依入內省書令史書寫人依書史見請則例支破內有名目人每及五年轉一官資白身人候實及七年與補進武副尉出職所差使臣人吏被差官司如有拘礙不許抽取條制旨揮特令今來

旨揮日下發遣仍於皇城司指差巡視背印投送親事
官各二人及於臨安府差看管案牘兵士六人紹興三
十二年六月十一日詔應在內日常應奉諸司仰輪差
諸色官吏等赴德壽宮如法應奉不得少怠有違以大
不恭論應奉人數并物色可令應奉諸司各行差破宿
衛并執從物人可令殿前司皇城司等處條具料差德
壽宮諸門依皇城門及宮門法仍依行宮大內置巡警
守衛一切務令如法十二日詔左武大夫昭慶軍承宣
使董仲永入內內侍省東頭供奉官寄資武功大夫遙
郡團練使幹辦御藥院陳子常並差提點德壽宮武翼
郎帶御器械特添差兩浙西路兵馬鈐轄宋鈞問門宣

贊舍人權點檢閤門簿書公事兼宣詞令宋直溫並差
兼德壽宮管幹事務十三日敕應德壽宮見今侍衛親
從官僚等於今敕合轉官外特與各轉兩官資礙止法
者許回授同日詔太史局每日輪差主管文德殿鍾鼓
院官一員司辰直官局學生內通輪二人德壽宮祇應
十五日左武大夫昭慶軍承宣使新差提點德壽宮董
仲永等言被旨差仲永等提點德壽宮今來事初全藉
使臣人吏管幹事務乞差點檢文字使臣一人主管文
字二人書寫二人趁辦內點檢文字使臣許於己未到
部見任得替待闕兼見項職局大小使臣校副尉內指
差與文本等驛券每月添給錢十二貫贍家錢八貫三

年為任任滿無遺闕與減二年磨勘再留依此主管文字書寫人許於已未到部使臣校副尉及内外官司人吏內指差其請給等主管文字依入內省書吏寫人依貼司見請則例吏內有名目之人每及六年轉一官資白身人候實及八年與補進武副尉出職所差使臣人吏被差官司如有拘礙不許抽差相兼係制旨揮等特依今來旨揮日下發遣從之十七日詔德壽宮差吏部大小使臣三十員充本宮祇應可添校尉二十員與大小使臣衮同祇應請給破券理任等依使臣已得指揮施行並聽本官指差二十一日詔德壽宮應修造合用工匠糧木可剗與提舉官報所屬支給二十六日詔張

去為差提舉德壽宮請給人從恩例並依入內省都知
見行旨揮條例施行七月一日詔右武大夫福州觀察
使入內侍省副知林肇特授宣政使保康軍承宣使
差遣如故以提舉修蓋德壽宮畢推恩也十七日詔德
壽宮提點官內許依舊任差破人從者可差兵士一十
人幹辦事務官四員可各差兵士八人並充白直使喚
遇闕並報步軍司差填同日詔幹辦內東門司梁康民
張安中並轉歸吏部特與免叅部先次出給料錢文歷
並特添差兩浙西路兵馬鈐轄臨安府駐劄請給人從
等並依正官則列支破依舊兼德壽宮幹辦事務二十
七日詔修內司修蓋德壽宮了畢官吏兵匠等推恩內

第一等與轉兩官資第二等與轉一官資減三年磨勘
第三等與轉一官資礙止法人特與轉行願回授者依
條回授白身人候有名目或出職日特依今來所轉官
資收使餘人並本宮支攝設八月十六日詔延福宮使
安德軍承宣使提舉德壽宮張去為特授安慶軍承宣
使差遣如故以修蓋德壽宮推恩也二十二日入內內
侍省東頭供奉官睿思殿祇應德壽宮提轄造作任訴
奏入內內侍省侍殿頭王揖差充德壽宮監造官申請
下項一乞以德壽宮監造為名一乞量行差手分一人
抄寫人二人許於內外官司人吏內指名差填其請給
手分依修內司手分抄寫人依貼司見請則例支破候

實及十年與補進武副尉出職一修內司撥隸本宮雄
武壯役工匠搭材共三百八十七人即未有立定額數
軍分指揮令乞以五百人為額並撥充雄武指揮其請
給閑所屬依雄武見請則例批勘從之十一月三日詔
御輦院都營撥屬德壽宮 隆興元年三月二十七日
詔隨太上皇帝過德壽宮應奉官吏諸色人依赦各轉
兩官資應續差到宮人各與轉一官資今後准此四月
十三日詔殿前司先差到官兵一百六十七人德壽宮
周圍擺鋪於本宮後添修營寨移逐人老小居住可令
本司更差軍兵三十三人充在營把門打火看寨差使
通作二百人七月二日詔德壽宮應奉官吏等昨降指

揮依赦各轉兩官資數內白身人吏給到轉資公據內
無訐日後收使之文可依例並候有名目日特作兩官
資收使并續差到官人各合得轉一官內白身人吏依
此候有名目日特作一官資收使已出公據今所屬換
給其儀鸞司車子官健輦官內有礙止法人並與依已
轉行兩資人例特於見今職名上轉行今後准此十一
月十四日詔安慶軍承宣使提舉萬壽觀張去為依前
差提舉德壽宮二十日詔右通議大夫試兵部尚書兼
戶部尚書兼點檢樞密院事兼權叅知政事兼提
舉德壽宮十二月二十六日德壽宮彈壓擺鋪官兵宣

祐等狀係殿前司入隊帶甲人數擺鋪合得身分請給
乞下所屬依南皇城下擺鋪官兵支折請給體例施行
從之 二年二月十二日詔武德軍郎主管佑神觀兼
德壽宮幹辦事務李思溫武經郎主管佑神觀兼德壽
宮幹辦事務梁紹祖並特令再任依舊兼德壽宮幹辦
事務 乾道二年五月二十二日詔德壽宮官吏諸色
人等應奉有勞並特與轉行一官資今後實及五年准
此內礙止法人特與轉行願同授者聽白身人吏候有
名目日作一官資收使前項官吏仍不隔磨勘九月九
日詔武顯大夫吉州刺史提點德壽宮特添差兩浙西
路兵馬鈐轄臨安府駐劄梁康民候今任滿日特陞差

本路馬步軍副總管依舊臨安府駐劄十四日詔武顯
大夫忠州團練使特添差兩浙西路兵馬鈐轄臨安府
駐劄兼德壽宮幹辦事務張安中兩任並無遺闕候今
任滿日特陞添差兩浙西路馬步軍副總管依舊臨安
府駐劄為係德壽宮幹辦事務請給人從等特與依正
官則例支破 三年十二月十五日詔武功大夫鼎州
團練使李玘特與轉眉州防禦使以德壽宮彈壓擺鋪
軍兵耳勞也 四年六月八日詔翰林醫診御朕德壽
宮祇應李延平供進德壽宮湯藥有勞特與轉一官八
月八日詔恭奉太上皇帝聖旨醫官朱仲謙為醫藥有
勞特與賜紫服色仍於祗候庫取賜十一月二日詔恭

奉太上皇帝聖旨百姓大方脈科醫人趙確特與補翰林醫學差充德壽宮祇應 五年八月十二日詔隨龍武功大夫壽聖太上皇后殿幹辦人船鍾彥昇特添差臨安府兵馬鈐轄依舊兼壽聖太上皇后殿幹辦人船 六年閏五月七日詔武義大夫劉堯勛特除帶御器械兼德壽宮幹辦事務 七年五月二十四日詔德壽宮官吏諸色人等昨於乾道二年五月二十二日為應奉有勞並特轉一官資了當今後實及五年准此今年已及五年可依已降指揮並特與各轉一官資仍不隔磨勘內礙止法人時與轉行願回授者聽白身人吏候有名目日特作一官資收使六月十六日詔雄武指揮

軍兵應奉德壽宮年勞推賞緣昨步軍司申請上件人
兵作工役禁軍於副都頭已上每兩資作一資補轉其
逐人為係德壽宮祇應今該恩賞可將副頭已上之人
每資特作一資轉行 九年五月六日詔德壽宮應奉
官得旨添差外餘並不許添差 淳熙元年八月四日
安慶軍節度使知樞密院事張說授太尉提舉佑神觀
九月一日武泰軍節度使提舉萬壽觀曾覲除開府儀
同三司為萬壽觀使 六年正月十一日除少保寧武軍
節度使充醴泉觀使 三年九月二十四日安德軍節
度使提舉隆興府玉隆萬壽宮伯圭授開府儀同三司
為萬壽觀使任便居住二十五日鎖院付下中書門下

省熟狀趙伯圭除使相提舉洞霄宮必大奏按故事宗
室戚里或前宰執帶節度使多充宮觀使若至使相自
領使無疑昨史浩以使相提舉宮觀者誤也恐自此遂
以為例今具士樽錢枕等例皆是以使相充宮觀使在
外任便居住者合取旨改正一更四點進入五點上批
可依士樽等體例除宮觀使四年三月五日崇信軍
節度使開府儀同三司提舉臨安府洞霄宮史浩除少
保觀文殿大學士為醴泉觀使既而五年三月十八日
為右丞相十一月十五日罷以少傅保寧軍節度使充
醴泉觀使兼侍讀八年三月五日判建康府辭不赴乞
歸田里奉御筆史浩潛藩學學比辭相位錫第于此念

念求歸屢形懇牘朕惜其筋力未衰欲使卧護北門今
遜避再三出於誠實不可勉強可免判建康府依舊在
京宮觀兼侍讀五月二十七日除少師為醴泉觀使
八年二月二十八日以少保觀文殿大學士判建康府
陳俊卿為醴泉觀使以俊卿云罷建康故也 九年六
月二十二日以觀文殿學士宣奉大夫梁克家為醴泉
觀使兼侍讀自福州召還故有是命九月二十二日皇
叔祖保康軍節度使提舉佑神觀嗣濮王士欽授開府
儀同三司為醴泉觀使 十年六月二十日以敷文閣
直學士知遂寧府李燾提舉佑神觀兼侍講兼同修國
史 十二年六月十八日通議大夫敷文閣待制洪邁

提舉佑神觀兼侍講兼同修國史 十三年正月二十
一日皇叔祖昭慶軍節度使提舉佑神觀士峴授開府
儀同三司為醴泉觀使 十一月二十三日特進右丞
相梁克家除觀文殿大學士醴泉觀使兼侍讀 十五
年五月二十三日敷文閣學士通奉大夫提舉隆興府
玉隆萬壽宮韓彥直提舉萬壽觀 六月四日武泰軍
承宣使帶御器械幹辦皇城司專切提舉訓練所宜春
郡開國公夏執中授奉國軍節度使提舉萬壽觀 十
六年正月十八日昭慶軍承宣使提舉佑神觀吳興郡
開國侯郭師禹授保大軍節度使提舉萬壽觀 五月
十二日詔少保益國公周必大充醴泉觀使在外任使

居住 紹熙元年六月二十四日詔寧武軍節度使開
府儀同三司判同川府降益川郡國開公趙雄充醴泉
觀使在外任便居住從其請也 五年二月十一日詔
少保開文殿大學士益國公周必大充醴泉觀使以辭
免判隆興府故有是命 五月一日詔太師安德軍節
度使判大宗正事嗣秀王伯圭充萬壽觀使以辭免判大
宗正事故有是命

宋會要任官觀

哲宗正史職官志外任官觀非自陳而朝廷特差者如降職人例神宗熙寧二年十二月二十四日詔宮觀差遣不限員數差知州資序人以上願神不至昏昧堪任監祭者充以三十箇月滿替三年正月二十六日詔應宮觀差遣除兩制以上臨時取旨外餘陝到關體量定差五月十四日詔杭州洞霄宮永康軍丈人觀亳州明道宮華州雲臺觀州武夷觀白州崇道觀成都王局觀建昌軍仙都觀江州太平觀洪州玉隆觀五嶽廟太原府興安王廟今後並依舊山崇福宮舒州靈仙觀置管勾或提舉官先是工以諸臣監司知州有衰老不任職者今處閑局今增諸道員數使便鄉里示優恩也十六日龍圖閣直學士兵部侍郎集賢殿修撰何鄭提舉成都府玉局觀以病致仕鄭遂請老乃除右丞致仕七月二十七日詔二京留臺國子監及諸州宮觀祔廟所差提舉管勾官尋差吏大兩省大卿監及職司資序人視知州知州資序人視知州通判仍各依本人見任官武臣做此選部以罷正任及選部改授南班官元係文資換者却與換文資功績殊異者別以旨四年五月詔應差除陳乞宮觀并國子監差遣除大卿監以上及朝廷特旨與差從中書指揮外餘並送富

官東院 十一月十六日詔應提舉管勾內外諸官觀及截廟官常留一

員在彼餘聽如分司致仕例任便居住 六年四月詔應官觀差遣係大

卿監又職司并本州知州自來帶管勾者並充提舉餘官管勾 十八日

詔前軍臣執政官官觀差遣添充依如大藩府祿令給 九月十四日以

莊宅使帶御器械知鎮戎軍張瑄為右驍騎使提點鳳翔府太平宮瑄有

戰功以病請還故還官以開局度之 八年正月二十五日以皇城使忠

州團練使馬偁管勾宛州仙源縣景靈宮大德觀公事尋除偁大將軍以

閑職不可仍舊官也 閏四月十八日詔今後武臣還郡刺史以上曾歷

五路路分鈐轄不同體量并有戰功曾經轉資歷路分都監以上差遣不

以官資並許陳乞外處官觀差遣 九年五月一日以殿中丞曾孝純同

管勾西京崇福宮從父公亮所乞也孝純監當資序時管勾官觀用父恩

也 元豐元年正月十九日權發遣三司使李承之言近年以來朝廷寬

假資秩簡高之人為其棄逐或不任事未改還令休退改置提舉生管官

觀之職優與休祿以示始終而不立員數臣僚趨閑貪祿冒居無耻或精

神未衰年齒方壯以便私避事亦求此職條制既寬初未墮革故令內外

官觀約百餘員無纖介職事或受厚食不下數萬緡臣竊惜之乞今後在

京宮觀提舉提點主營官共無得過十五員諸路倍之如有除授全依例
衙關所資勤勞官守之人有以區別不虛費國用詔中書立法自今陳乞
宮觀等差遣人年六十以上聽差仍無過兩次 二月七日詔富官東西
院應乞宮觀人年六十以上聽差毋得過兩任 二年六月二十四日尚
書屯田員外郎權京西轉運副使李南公主管西京嵩山崇福宮以御史黃
頴言南公主皆適士人而同產女弟在室者已三十餘歲委寄於妹婿范
遷家按之有實故也 五年九月十六日詔應尚書吏部陳乞留臺宮觀
國子監人年六十以上兼用執政官恩例者通不得過三任 哲宗元祐
元年五月二十二日新差知蘇州張鑑依舊提舉杭州洞霄宮以其罷臺
也 七月二十八日提舉西京嵩山崇福宮韓宗師再任理提刑資序以
宗師自陳父老從所乞也 二年六月十四日詔郭建罷廣州觀察使知
河中府除左武衛上將軍提舉嵩山崇福宮先是遠知潞州河東路轉運
使論遠言諸憲緩步履艱難請別與差遣以安老疾會遠徙知河中府亦
露章祈免故有是詔 三年十二月十六日詔應緣例陳乞子弟宮觀狀
廟差遣再任者不理為資序 紹聖二年正月十三日侍御史翟思言欲
今後知州資序人年七十以上者並依元豐以前舊法法監當差遣元祐

二年與監獄廟差違法勿用其見任執政官許依例陳乞仍不得過一任
及於今文年七十乞宮觀條內侍御史字下添入以上二字職司字下添
入中散大夫四字從之 元符元年知樞密院事曾布言高遵固年八十
一乞再任宮觀高遵禮年七十六乞再任亳州太清宮又從其再任之請
待過宣仁親屬敦篤如此當宣付史官從之 徽宗崇寧元年七月十一
日中書^省勘會熙寧三年五月詔以諸臣歷登司知州有衰老不任職者使
令其休給令處閑局故令諸州增置宮觀員數使人各得便鄉里且以優
老示恩自後添支屢經裁減而諸州供給亦無明文是致往往失所怨非
先帝創立宮觀優老示恩之意今以熙寧元置以來條制參詳修立下條
諸三京留守御史臺國子監諸州宮觀獄廟提舉管勾等官添支前宰相
執政官依知判諸路州府例待制已上依見任官知郡例中散大夫以上
并職司資序人依知諸州府大卿監例知州資序人依見任官充小部通
判例通判資序人依見任官充軍通判例武臣正任橫行以上依諸司副
使知州例路分鈐轄以上依侍禁閑門祇候知州例路分部監以上依殿
直充諸路走馬承受例土條合入祿令銜改元豐三年十一月十八日并
元豐六年四月十八日紹聖元年五月十六日指揮不行諸宮觀獄廟提

舉旨勾等文官因陳乞及非責降充者並月改供給於所居處依資序降
二等文職司以上資序人依通判例知州資序人依參判例無參判者及
通判資序人並依職官例前軍機執戎官及見帶學士以上職者諸陳乞
宮觀殿廟若三京留司御史臺國子監年七十以下不得過三任七十以
上曾歷侍御史以上聽兩任寺監長貳六書郎中以上同及職司中散大
夫以上並一任曾歷堂除知州資序人在此當直宮觀殿廟宮觀使五十
人學士以上四十人大中大夫官寮使以上三十人中散大夫及提點刑
獄以上資序并正任橫行以上二十人知州路分都監以上資序十五人
通判以下資序十人從之十月二十七日詔應責充宮觀人不得同
在一州軍居住政和三年二月十五日尚書省言勸會官員闕陞依條
並實理考第其宮觀以三十箇月為任顯是歲闕陞詔今後應宮觀並以
三年為任其已授三十箇月合罷人並依三年滿罷人例施行八月十
七日尚書省言宮觀已降指揮三年為任歲滿其以二年從之二十四
日中書省言勸會大觀重修中書省令諸宮觀差遣中散大夫以上及職
司資序並充提舉餘官充管勾勸會餘官內朝奉郎以上及曾任職事官
監察御史以上職任及曾帶貼職之人若與承務郎並一等充管勾宮觀

慮無以區別今參酌添立下條諸宮觀差遣中散大夫以上及職司資序
充提舉朝奉郎以上或曾任職事官監察御史以上若曾帶貼職充提舉
餘充管勾從之十月二十九日中書省勘會除授宮觀差遣近降旨立
定提點提舉管勾三等所有諸受從人亦合隨所授職任修定今參酌
舊法擬立下項承務郎以上任宮觀差遣提舉二十人提點一十五人管
勾一十人右入政和重修吏卒格衝改本格中散大夫及提點刑獄以上
資序知州通判以上資序差當直人格不行承務郎以上任宮觀差遣
外任許在京居住者提舉十五人提點十人管勾四人右入紹聖單馬司
格衝改本格大中大夫及職司資序知州通判江下資序差當直人格不
行從之五年八月十三日詔新知池州陳邦光提舉杭州洞霄宮池州
居住以言者論其以地遠辭往州之行方命不恭故也六年閏正月二
十六日戶部侍郎孟昌齡言文武二途本為一道祿廩待遇理當均一朝
廷近為宮廟供給之制以優禮臣下令文臣任宮廟自職司以上比視有
差至通判而上按今通判與武臣序官自有定制而武臣宮觀供給未有
明文臣臣等乞曾任職事與通判序官人依通判法餘皆勿給以稱陛下
均待文武之意詔係武功大夫以上未至知州職司資序人依通判資序

人例吏破供給以下勿給 三月二十四日樞密院言臣僚任官觀差遣
供給入從各有等差今外路見任官觀之人其間或有妄稱資序冒請供
給謂如知縣人稱作通判知州人作職司本處請而妄請當請少而受多
或匿其照檢州縣不察欲乞今後任官觀獄廟人並令吏部以本官資序
符所_註州郡及於所受付身內聲說庶絕貪冒其見任人_註州供具所請
月給等第申吏部勘驗如有冒請即行改正從之 宣和元年八月十一
日臣僚上言竊以宮觀獄廟設置官屬既免親執祠事而又給廩祿陞下
養賢優老之意厚矣比年下至小使臣往往偷閑竊祿其數猥多臣近會
到吏部右選小使臣任官觀差遣凡四百二十七員累日已來又不知其
幾人也使皆有功可念有勞可錄猶未免汎濫之弊况其間年齒方壯血
氣未衰者比比皆是揆其入仕亦未久遠曾無汗馬橫草之勞平皆規避
重難以就安逸伏望原旨應小使臣之授獄廟差遣者時重其選庶幾可
以杜絕僥倖不為苟免退避之計詔今後小使臣更不得差注宮觀獄廟
見任人並罷 九月十七日吏部言奉聖旨選人見任獄廟今吏部具數
中中書省取旨本部勘會選人見任獄廟計七十九員檢會政和七年十
月敕內一項應未應出官人及選人小使臣并大使主武功郎以下並不

得陳乞宮觀獄廟差遣如違以違制論詔並罷二年二月九日制以軍
逃軍節度使知大名府兼北京留守司公事大名府路安撫使梁子英為
開府儀同三司提舉西京嵩山崇福宮五月五月中書省言奉御筆宮觀並
依元豐法其後來新置創添差兼領等員闕並合先次放罷限三日所有
宮觀寨關今具下項一熙寧編劄闕額西京嵩山崇福宮南京鴻慶宮鳳
翔府上清宮亳州明道宮杭州洞霄宮襲慶府仙源縣景靈宮太極觀華
州靈臺觀建州武夷觀已改為建州武夷山冲祐觀台州崇道觀成都府
玉局觀建昌軍仙都觀江州太平觀洪州玉隆觀舒州靈仙觀改為舒州
紫山真源萬壽宮一崇寧三年七月初六日初添置下項靈濟觀建隆觀奉
慈觀延祥觀陽德觀福源觀崇先東太一宮宮西太一宮長生宮一政和
二年七月五日初添下項成都府玉清宮成都府國寧觀成都府長生觀
成都府太平觀江寧府萬壽宮江寧府崇真觀江寧府崇禧觀杭州紫霄
宮杭州集真觀泰州萬壽宮襲慶府會真宮襲慶府武觀筠州妙真觀
温州南真觀温州萬壽宮華觀信州上清宮信州太霞宮南康軍延真觀
南康軍逍遙觀臨江軍承天觀陝州太初觀鄆州明道觀泗州太初觀彭
州冲真觀衡州露仙觀衡州福堂觀南雄州會仙觀成都府崇道觀成都

府永寧親詣州興道觀 十三日中書省言除會御筆官觀並依元豐法
其後來新置創添差員等員闕並合先次放罷限三日詔依下項應官
親戚廟依熙豐立定案名新置內外官觀殿廟並罷太中大夫以上任實
錄官依舊見在并曾任職事官監察御史以上及監司並謂貢舉并見入
任歸明人并舊官並依舊見任職事官監察御史以上及監司陳乞並謂
外官除並依熙豐法久任內非癯老疾病人並罷隨龍官依舊太中大夫
及武臣正任以上見任都下官觀依舊內太中大夫以上任職事兼官觀
人並罷太中大夫及武臣正任以上正領官觀兼別差遣或見領差遣兼
官觀人並罷內太中大夫以上兼書局人依舊太中大夫及武臣正任以
上領在外官觀人依舊內依舊人見領內外新置官觀及差舊額官觀用
恩例陳乞并請給人從差注並依熙豐法餘依已降指揮殿廟並依官觀
已降指揮 二十五日詔三京留守司御史臺添權判官一員仍差大卿
監并職司以上差遣人國子監添同判官一員尚書省會官觀不限員數
并在知州資序人以上並須精神外至昏昧堪釐務者充當官來院編勅
官觀殿廟及三京國子監御史臺差知州軍人仍到院體量精神不至
昏昧堪釐務者充元豐元年二月六日中書省劄子應當官東西院陳乞

宮觀等差遣人年六十以上許差仍不得過三次吏部尚書左選係諸管
勾宮觀獄廟三京御史臺判國子監並注知州軍年六十以上精神不至
昏昧堪釐務人長官審驗差不得過兩任兼用註改官乞者加一等奉聖
旨依條依已降指揮元係侍從者責降與宮觀後來改作自陳人祇堂除
宮觀人令吏部差注人並依元置吏部法注知州軍年六十以上精神不
至昏昧堪釐務人詔依此行下 六月三日吏部尚書蔣獻等言勘會承
撥郎以上官任新置創添宮觀獄廟已恭依五月五日所降指揮並行先
次放罷今承正月十三日指揮內一項依舊人見領內外新置宮觀改差
改差舊額宮觀今承除太中大夫及監察御史以上官監司責降人兩項
外其餘官任新置宮觀獄廟合罷之人內有年甲資序任數若依得元置格
法合差注宮觀獄廟之人未委今來並合與不合一面改差舊額宮觀得
旨應任新置宮觀獄廟年甲資序任數依元置格法不合罷人並改差舊
宮觀而通理前月日兩罷當部標準元置令諸管勾宮觀獄廟三京御史
臺判國子監並注知州軍年六十以上精神不至昏昧堪釐務以長官審
驗差不得過兩任若用執政官陳乞者加一任又令諸年七十乞官觀獄
廟及三京留守司御史臺國子監者曾歷侍御史能兩任并監長官及職

司中散大夫以上並一任又准考功元豐令諸卿職司者謂轉運使副提
點刑獄及朝廷專差宣撫安撫察訪除同知州勸會承務郎以上官作任
新置官觀歲廟已放罷人四年甲齊序任數應得元豐法令之人以工件
勅令指揮剋剋施行從之 十四日中書省檢會熙寧四年三月勅令放
應官觀差違如係大卿監及職司并武臣送部以上及本州知州自來帶
管勾者並充提舉餘官各充管勾政和三年八月十五日勅添諸宮觀差
違中散大夫以上及職司齊序充提舉朝奉郎以上或曾任職事監案御
史以上若曾帶貼職入充提舉餘充管勾詔依熙寧四年三月指揮內稱
職事者謂職司齊序人其見帶提舉提舉管勾不依熙寧四年三月指揮
者今吏部出給公據改正 七月十三日中書省言勸會承務郎大使臣
以上作任官觀歲廟資 年甲等不應熙豐格法罷任人又六曹等處額
外減罷有官吏職詔依有罷法 八月二十五日中書省言勸會文臣昨
因宮觀歲廟減罷親民資序到任及二年人詔願在外指射此外聽候堂
除差遣者罷 三年二月二十二日故承事郎直龍圖閣王綱安宜人鄭
氏奏二男琦珪並幼失所昨奉御筆琦差管勾萬壽觀珪差管勾江寧府
崇禧觀今宮觀並依元豐法令放罷竊念吳家貧二子並幼遽罷休休

宮王追

見無所歸伏望特許男璣珪依舊宮觀詔王璣王珪為係王安石之孫特
與宮祠不得援引為例承事郎王璣管勾江州太平觀王珪管勾建州
武夷山冲佑觀三十日觀文殿大學士通奉大夫知大名府鄧洵仁言
伏覲中大夫直學士張宗武累經任使邊功被賞近以微疾遂乞
休官今已痊安精力尚壯欲望特落致仕除一宮觀差遣詔張宗武許
致仕差提舉鳳翔府太平宮四年八月二十二日少傅鎮西軍節度使
知福州余深言乞納節戴罷卿卻外除宮觀一任詔依所乞差提舉西京
嵩山崇福宮任便居住所乞罷節戴不允今學士院降詔六年十一月
十四日奉詔郎陳恬差管勾清平軍上清太平宮以前知京兆府王序言
恬翰墨文章比肩古人靜退之節士論高之寓本府衣食弗給故有是命
七年九月二十五日吏部言奉御筆中散大夫提舉西京崇福王追伏
候今任滿日特令再任吏部檢舉元豐令諸管勾宮觀不得過兩任勘會
王追已歷宮觀兩任若特令再任即不應餘法今年八月七日聖旨今後
內降及傳宣與差遣之人或違礙資格更不進呈具因依告示不行詔史
不施行令吏部告示欽宗靖康元年三月二日尚書右丞李悅為資政
殿學士提舉南京鴻慶宮九月二十七日資政殿大學士新加荆南府

詹度提舉南京鴻慶宮先是度罷中山未幾復以知荆南中書舍人安扶
繳還詞頭極論其惡且言童貫收復故地度為率先附會建議之人故首
以帥燕當行竄責詔以度有保守中山之勞以功贖過今以次舍人劉珏
行下珏又言其不可故有是命 高宗建炎三年五月二十六日勅降指
文臣承務郎以上許權差官觀一次蓋為未有差違之人權行措置發遣
所有見任并已授差遣之人並不許陳乞吏部侍郎康執權奏承指揮文
臣承務郎以上許權差官觀一次緣自渡江來續條法及逐次所逐次所
降指揮創皆散失今省記元擬立因依條具下項一官觀差遣舊來係差
六十以上知州資序人本部長官體量精神不致昏昧堪當格者許差一
任兼用執政官陳乞者加一任即年七十以上若曾任侍御史以上及職
司人許差一次並具鈔擬注欲乞仍舊一昨降指揮曾任監察御史以上
而年四十以上者不限資序許權差官觀一次知州資序年六十以上已
經兩任者更權許差注一次通判資序年五十以上若四十以上歷任曾
經堂除終滿一任者知州資序人並依此知縣資序人年四十五以上歷任
無贓私罪曾經堂除滿一任人並權許差一次一今未預行先次差注官
觀一次見今未有差遣之官權行措置發遣所有見任三代年甲鄉貫出

身歷任到罷年月日并元差事因及功過舉主等朝典文狀脚色一本仍
召保官三員結除各罪指定歷任以來委的有無賊私罪犯及所任差遣
是與不是堂除終滿一任之人名開具委的自陳具見任行在人且今於
本部陳乞仍取索保官印紙或詰勅照驗批書仍循舊例赴長官體量即
行具鈔擬注在外人今所屬州軍依此陳乞仍委目知通飭此體量堪釐
務別無冒偽姦獎即一面批書保官印紙等照驗訖從知通結罪保明繳
連本官文狀及家狀脚色并保官狀申部以憑擬鈔施行如有一事一件
隱漏不實許人告陳特立賞錢五百貫文充賞其陳乞并保人送送廣南
編置若官司保明不實官吏並科徒二年之罪從之 九月七日勅京師
河北京東以至淮甸見任待闕之人遭罹劫虜脫身逃歸流寓饑寒困蹙
萬狀朕甚憫之而有緣罪犯未能赴部之人許破常格差差獻廟官親一次
尋詔選人並以二年為任 紹興三年二月十四日詔宮觀獻廟人京官
已上二年選人三年為任 十九日尚書左僕射同中書門下平章事呂
頤浩言昨蒙聖恩除臣長男抗次男據初等貼職主管萬壽觀依條主管
萬壽觀合赴朔望朝參又國忌行者之類班列間不免與百官相見恐有
嫌疑乞改差抗撫一外任宮觀差遣庶獲稍速班路詔呂抗差主管台州

宗道觀呂德差主管亳州明道宮並任便居住 三月二十五日知樞密院事張浚言乞用恩例陳乞母舅左判議大夫徐應官觀一次從之 四月二十六日右宣教郎吳鐸言近蒙朝廷差監潭州南嶽廟係破格俸給微薄贍給不足念鐸係教臣之後乞特賜餉錢官觀一次詔改差主管台州崇道觀 五月十六日詔自今郡守到官未滿任或未成資非實有故不得輒請官觀 十一月三日詔應軍民執政官用親屬恩例陳乞獄廟差遣者除特降指揮用恩例差撥外餘人並依格法施行其已授獄廟差遣之人並許終滿今任以臣僚言近來陳乞親屬差遣太濫並欲違舊制見任獄廟官者罷之故有是命 四年六月二十二日吏部言臣僚劄子竊見兵大以來縉紳失所吏部難得選人差遣兼有曾任監司知通不便更賜吏部願審量其才早與除授若委無關可入非緣罪犯不可錄用者且與官觀獄廟一次更有破格官廟請給至微亦可次第差除本部勘當承務郎以上官觀差遣見依建炎三年五月二十六日指揮施行外獄廟差遣係朝廷差注即不係本部合使案牘若選人無差遣乞破格獄廟於本部別無違礙欲依臣僚所請並赴尚書省投狀詔除依建炎三年五月二十六日指揮合差官觀之人更與特差一次餘依吏部勘當 二十四

日左承議郎張延壽言昨任侍御史因丁母憂解官至紹興三年本臺檢
舉丁憂服闋蒙恩除延壽主管江州太平觀乞檢會延壽別無事因特降
指揮與依目陳宮觀例施行從之 九月十六日詔保義郎閻門祇候劉
記許用父錫初授團練使依條合得恩澤一名特差監潭州南獄廟 十
一月八日川陝等路宣撫使司言川陝官員陳乞新書法官祠前宣撫使
張浚依已便宜黜陟聖旨驗實無違礙並已出給照劄欲乞給降付身從
之 五年閏二月二十二日詔應陳乞宮觀人曾任左右司郎官以上並
充提點宮觀 二十七日詔京朝官知縣已下資序并選人如委是西北
流寓無產業之人及非流寓人有若占射差違恩例或父母祖父母年七
十以上或係省員廢併并曾任諸州教授並令赴尚書省投狀與差獄廟
一次如無逐件恩例在部實及半年以上無關可入者許經吏部陳乞注
破格獄廟一次內西北流寓人仍依去失法召保官一員 二十八日詔
應陳乞獄廟人若出身偶用開封府等處戶貫而物產在江南及祖父母
父母雖年七十以上有兼侍之人並不許陳乞所有破格獄廟人今尚書
省於所給付身內聲說仍令所屬批上料錢文歷 四月二十二日詔應
曾任宮觀獄廟人並與理作經任令吏部放行參選 五月十三日吏部

言將仕郎張續年一十八未應出官條格詔張續前降差監南歲廟指揮
更不施行 十九日權吏部侍郎要敦優等言契勘前降指揮今後應陳
乞獄廟差遣之人並令赴吏部投狀令本部取索勘驗保明中尚書省擬
差出給付身內有未嘗擬正階官之人須候降到許差指揮再行奏鈔顯
屬奏煩欲乞應初出官人陳乞獄廟如應得所差指揮即便擬階官中尚
書省擬差從之 七月十二日詔選人獄廟應格之人與吏本身料錢外
吏食錢五貫破格之人止與吏破本身料錢 十月十日臣僚言準紹興
令諸臣僚同陳乞及非責降官親獄廟差遣者並月破供給於所居處依
資序降一等吏職司以上資序人依通判例知州資序人依縣判例無為
判處及通判資序人並依幕職官例武臣武功大夫以上未及知州職司
資序人準此其前宰相執政官及見帶學士以上職者不降契勘官觀官
自祖宗以來即無吏破供給之文止因宋寧宗間蔡京用事創立條法吏破
官觀供給王黼作相之後已行任罷今來却修入紹興勅令未為成法所
在州軍雖不曾一一支給緣已定編勅該載難以止絕干請欲乞刪除從
之 二十八日殿中侍御史王縉言初出官人監獄廟理責任若便許周
舉主闕壁及年限磨勘使俸太甚欲乞應初官監獄廟人年未及格并不

理資任還人候釐務書考方許爲舉釐務實及三考無出身通理四考方許用舉主闕准承務郎以上釐務磨勘一依舊法自後未經參選人并父祖見任通判以上及官觀通判請給者更不差監獄廟所寄人知自題異日可備選用詔未經任人父祖已授通判以上差遣及提點以上官觀除用恩例陳乞外今後更不許差監獄廟餘依見行條法 六年正月二十六日詔右通直郎沈雲紀許用父參知政事與承祿條載許陳乞親屬差遣恩例特差監潭州南嶽廟 三月二十日右承務郎陳龍言祖宗舊例隨龍人子孫並與堂除差遣羅故父祇祿事沿即黃祿掌附今龍不敢別有使倖欲乞陶鑄一嶽廟差遣詔特差監潭州南嶽廟 五月八日臣僚言祠館之任家居而食厚祿本出朝廷禮賢優老之意艱難以來士或不調陛下憫其失職特授此命甚大惠也然格法之外尚或使求有年甲資序未及而輒陳乞者有任數已過而陳乞再任者求之於六等官觀之格五項職廟之法無一合者惟以貧窶爲辭得於格法之外亦未失陛下矜恤之意但其間多有無厭之人昔已叨竊名祿廣殖田宅自知抱負瑕釁不復收用惟知所在憑藉官勢經營財利視其家則豐美而無煩於祿廩逾其人則不當復齒於士類如此之人乃更與失職寒士兵饗其食今國

其所志正在官冗而時墮若以既墮之時給至冗之官恐不能偏反使使
州郡之間用度不支而實資仰祿者先受其弊欲乞今後陳乞堂除宮觀
與廟之人除資之廉潔朝廷所取者其餘一切按格與之詔依奏除見任
知州軍以上又曾任侍從官宮觀人依舊堂除外餘令吏部按格擬尚書
省給降行身 九年三月二十六日詔將許差宮觀兩次之人內一任未
及二考不因過犯罷任依獄廟已得指揮別差一次 十年正月八日詔
閔修撰張宗元言元係落職獄廟待制提舉江州太平觀蒙恩復祿閣修
撰差遣如故其今任宮觀乞自復職日理作自陳仍依例二年半為任從
之 十九年七月八日詔達州刺史添差兩浙東路馬步軍副總管紹興
府駐劄韋訊免赴任與在外宮觀隨侍父滿令來州按月支破請給以後
族也 二十年十一月二十九日詔武功大夫前藩部新隨曹昉差主管
洪州玉隆觀仍令久任 二十五年十月二十二日詔秦檜孫左朝散大
夫試尚書禮部侍郎兼寶錄院降撰項右承議郎充敷文閣待制提舉依
神觀堪並除提舉在外宮觀內墳除敷文閣直學士檜亮故也 二十六
年五月十七日湖南轉運司中潭州南嶽廟遺火燒殿宇詔監官先次
放罷令取勘具案聞奏具殿宇下轉運司計料各用多少錢數申尚書省

取旨降撥 二十七年七月二十二日詔諸路司屬官減員并添差未到任合省罷人如赴任在降指揮一年內願就宮觀獄朝人與特差一次二十八年四月十七日尚書左右司員外郎王晞亮言文武官舊有疾病則許以尋醫燭其年勞則優以宮觀此舊制也而紹興二十五年十一月指揮乃有州縣官條疾病日久者許求宮觀而去則是合尋醫人却得宮觀與舊制相戾有司疑惑莫知所承乞州去從之 二十九年三月四日詔權尚書工部侍郎楊興除教文閣待制提舉佑神觀奉朝請 三十二年正月十三日臣僚言郡守之職其任為至重其事為至繁昨者朝廷因臣僚之請以謂郡守年及七十非惟不應格法亦恐差官為民之害遂令吏部並與自陳宮觀其後吏部謂此乃一時申請本非舊法不肯永遠遵用殊不知大大七十而致仕乃古之令典也今乞將前項指揮永為著令從之 紹興三十二年十二月二十九日孝宗即位未幾詔文武臣陳乞差除宮觀獄廟未嘗立定員數除在京宮觀文臣曾任監察御史以上蓋司郡守及帶職人武臣曾任宮觀知閣御帶郡守選郡橫行及帶軍職人外文武臣宮觀以四百人為額獄廟以三百人為額大使臣注獄廟以一百人為額小使臣曾從軍添置獄廟以三百人為額宗室依格通差宮

親歲廟以七百人為額其溢額人許終滿今任 孝宗乾道元年正月一日大禮赦大進官員宮觀歲廟任數已滿依法不應再陳若更許陳乞一次三年十一月二日大禮赦六年十月六日大禮赦九年十一月九日大禮赦並同 四月五日吏部侍郎素願言竊見選人監歲廟差違在任未終滿因丁憂罷任即非別有罪犯難以必要終滿一任方與免試今相度欲將任歲廟未滿丁憂罷任人候服闋日並許依條收使免試恩例參選從之 八月十二日立皇太子赦內應文臣曾任侍從官見無差違未復職者許陳乞在外宮觀一次 十一月二十三日執政進呈蘇轍乞宮觀上曰可與宮觀因又曰蘇轍殊無一言朕欲批不善奏對又恐從此以口辯取進 二年二月八日權吏部侍郎陳之茂言契勘本部待闕宮觀計三百四十四人見在裏闕計二百八十員其間多是廣南瘴癘人所不願注授今歲黃甲約五百人并特奏各上二等免銓試約二十餘人官有十倍而可注之闕無三分之一竊見宮觀歲廟有堂除有部差堂除所得優厚非有祖父恩例不許陳乞至於部差月得五十而資者不足於用然非西北流寓江南無產業父祖無人食祿又不可得此待闕之官所以積壓尤多今欲將一歲所差過員數隨宜增添量州部大小各置宮觀歲廟立

為定額內以五分之一為堂除以處恩例特旨者餘悉為部關次第注授
從之 四年五月十八日臣僚言紹興三十年十月二日指揮邵守年及
七十者計今自陳宮觀不請者與宮觀理作自陳今略數班簿亦幾二十
輩怨其間有精力未衰朝廷擢用今知陵體臥乞降旨檢會前令特與宮
觀理作自陳具下項新知州賈介新差知南恩州田伯璽知汀州章能定
知華慶府秦嶺知臨州葉秉彝知廣州章兼知廣安軍姚慈知榮州楊馬
新差知辰州黃輝並年七十一知萬州梁載年七十二已過滿知陝州胡
括年七十三直秘閣新差知常德府張允蹈知連州錢師仁詔並與宮觀
理作自陳 七月十二日尚書吏部員外郎林栗言在法諸宗室宮觀
廟若前任不釐務滿罷願就前任者聽其勸本選小使臣校尉曾經從軍
立功依累降指揮注授諸州軍添差指揮使聽候使喚不釐務及獄廟差
遣知任滿替回願就前任州軍添差不釐務等軍綱有妨礙於前任不許
差注初級據汰離軍之人多是貧乏般罕可憫乞將添差指使獄廟之人
比附宗室獄廟不釐務差注不礙前任仰稱陛下優卹之意從之 十一
月九日詔今後選人任獄廟者悉不理考第吏部立為定格 十二月二
十六日尚書吏部侍郎薛良朋言乞自今降獄廟不理考指揮之前恩恩

科出官有茂南考第之人並依隆興元年恩科出科官人一例理權入官
所有恩以領轉於上件考第並不合收使欲望詳酌施行詔除隆興元年
恩科人所授獄廟已得指揮許理權官外餘並依乾道四年十一月九日
指揮施行五年二月二十一日吏部言倫準乾道四年七月十二日吏部
員外郎林采劄子乞將應酬軍添差指使獄廟之人比附宗室獄廟不釐
務差注不礙前任州軍已降指揮依本官所請其大使臣即有該載明文
文亦合一體差注從之 三月七日吏部契勘未降獄廟不理考第指揮
之前除并注授獄廟見今在任之人將來獄廟任滿並不理考第本部今
措置欲乞除隆興元年恩科注授獄廟合理權官之人自合候終滿外其
餘見今在任人願截日批書罷任赴部參選別注授差遣者聽不願者候
終滿罷所有初官授獄廟不曾試中願罷任之人如有免試恩例許收
使赴部參選如無恩例自合依指揮候銓試中到部從之 九月二十八
日吏部狀準批下白劄子竊見獄廟差遣既不理考則文臣無有肯授者
乞差注武臣雖軍在部待闕之人選部措置尚書右選勘會依條以武功
至武翼大夫曾任路分都監以上右武大夫不曾任同許注授獄廟大索
節鎮二員餘州一員又紹興二十九年四月十五日指揮將應從軍發遣

添差任滿到部武功大夫至修武郎不曾任路分都監以上差遣每州軍
獄廟不得過一員內大藩節鎮更差一員並二年為任本選見在部待次
修武郎以上官共三百五十餘員差注不行除本部依條注授橫行獄廟
今采更不增添員闕外今措置欲將上件獄廟每州軍各更增添一員依
見行格法差注庶幾不致積壓日後依此使闕侍郎右選勘會見在部待
次小使臣校尉共一千七百餘員除昨承紹興二十九年四月十五日指
揮將應從軍發遣小使臣添差任滿到部之人以資序名次高下並注獄
廟諸州軍各添置四員內大藩節鎮州軍五員並二年為任本部見遵依
使闕今措置欲每州各增添一員詔權添一次 六年三月十九日吏部
侍郎陳綱作言契勘宗室小使臣添差親民差遣每州一員經任監當每
州十縣以上五員七縣以上四員五縣以上三員餘二員初任大藩節鎮
二員餘州諸縣各一員遇時差注經任初任人外常有二百餘闕無人願
就本部有軍功補授之人員多闕少差注不行欲乞借上件宗室監當見
闕權改作獄廟稱呼依本部見行條法差注一次如已註注後却有宗室
願就亦許依員數差注俟今來借使一任滿日依舊發還宗室使闕庶可
時暫發遣在部軍功補授之人照依曾先注曾立戰功之人 六月十三

日吏部言選人獄廟考第在不理考指揮之前考第舉主及格乞退新任
陞改依今旨雖許收使緣無法可以比類檢照止有舉主除差遣舉復許
退新任磨勘陞陞條法欲比附上條許令退關陞改從之十一月六日
南郊赦應貢士年五十以上五舉到省合赴乾道五年特奏名殿試之人
緣事赴試不及若將來殿試唱名補授文學年六十以上與陞乾道五年
年甲用今年故恩召保參選特差獄廟一次七年六月二十四日中書
門下省言儉會乾道二年八月二十四日已降指揮諸軍將士曾與金人
接戰及守禦立功之人將戰功顯著一十三處立定格目近來不注有上
件立功揀汰離軍及已經添差滿罷之人陳乞獄廟今措置欲將上件經
一十三處戰功顯著之人已經添差滿罷未曾注授獄廟與差注獄廟一
次已經差注獄廟別無差遣與差破格獄廟一次其破格獄廟依正差獄
廟請給料錢減半從之九月四月二十三日詔今後離軍橫行使臣今
樞密院審差與差將副差遣若年六十以上精力已衰有戰功依已降指
揮與差官觀餘差獄廟以樞密院勘會諸軍離軍橫行使臣添差吏部見
與大使臣一例衆同注授差遣無以甄別理宜指置或有是命六月一
日吏部言據武功大夫台州刺史張福等狀伏覩本部見使橫行獄廟關

並無本等人指射欲乞盡數剋刷已未有到任及見榜獄廟員闕依乾道六年例借差一次本部契勘見榜橫行獄廟員闕無本等人指射欲乞朝廷指揮借差一次欲許修武郎以上曾經立功之人指射差注如同日却有本等預行人指射即先差本等人日後依舊使闕差注本等人從之淳熙元年二月二十日吏部言秦陽軍合差獄廟尚右差橫行一員先親民次監當并曾立戰人二員係循環使闕差注乞自今更不差撥侍右合差從軍添差任滿人四員戰功人二員今乞減從軍添差任滿一員戰功一員更不作闕差注從之二年十二月十七日慶壽赦應選人年七十四以上依法不應到部仰長貳銓量將尚堪釐務人與注殘零闕一次內四川二廣令逐路轉運司結果保明中部依此施行願就破格獄廟者聽十三年慶壽赦同此三年九月二十三日詔外官任宮觀者依宗室宮觀例以二年為任既而權吏部尚書韓元吉言賦祿之法所以倚任事之有常者自享至本朝百官有分司者號為降黜祿不全給神宗皇帝始置宮觀差遣以易分司之任當時優崇耆老侍從及庶官知州資序年六十以上人其選亦數十年來士大夫病廢室礙動輒請祠而宗室自大使臣又有逐州立定宮觀員闕武臣入選行陣而資序高者亦復與之州縣間

宮觀廩祿多於見任釐務之官今京朝官在職例以二年為任而宮觀獨以三年半為任蓋祖宗朝在官者任皆三年故宮觀止以二年半號三十箇月是不得與在官者比至元祐員多闕少在官者亦減作三十箇月為任而宮觀因仍不革紹興初京朝官又減作二年為任矣而宮觀失於契勘獨用三十箇月遂優於職任之人故有是命十月八日詔自今有曾經論列放罷之人必其罪戾可恕日月已久首然後上其祿祠之請既而臣僚言昨嘗論奏知贛州陳天麟不應便舉奉祠因有是命十一月十二日南郊赦選人陳乞闕陞致仕通理任獄廟差遣如在乾道四年十一月九日以前罷任并出違條限人具考第並許收使五年十二月十八日詔自今除監司郡守並須與勘年甲年及者與祠祿六年三月四日詔自今堂除添差宮觀獄廟未曾用過戰功恩例人並使闕差填帥府節鎮不得過三員其餘州軍不曾過二員仍不得差過元兩任之數自今奉指揮日為始其已差人候任滿日更不作闕九月十六日明堂赦選人先一任差遣未滿因避親之類以去官而第二任授獄廟不釐務差遣已滿又行判注第三任亦曾於限內陳乞通理雖係隔任緣獄廟不釐務差遣既不與理考第若作隔任妨礙通理可特許將第三任補滿第一任理

為考第 七年八月十一日詔見任軍執臺諫子孫京官監當資序人並
差殿前已注授未赴上者許父祖陳乞改差八年閏三月十七日詔勅令
所於通判闕陞知州條內刪去注文堂除宮觀聽用一任即不許理當實
歷一十五字却修入官觀並不許理當任教八字從_知江陰軍王師古請
也 二十八日詔自今應曾被彈劾放罷之人須是宮觀任滿然後取旨
除授 十年二月二十三日詔自今內外諸軍元有劇帶離軍之人合得
陳乞差遣願就宮觀獄廟者聽仍理當離軍添差一任恩例 十二年十
一月二十二日南郊赦應紹興三十一年以後歸正京朝官大小使臣選
人文學校副尉下班祇應任數已滿之人緣添差不釐格不許闕陞將來
有礙_補自今可令吏兵部依官序先次注授止闕差遣將副以上隨才
擢用或願就宮觀獄廟者特許陳乞一次內任數未滿人願依舊添差者
聽其諸州軍囑官從滿七任日一體施行既而十五年明堂赦同此所有
紹興三十一年以後歸朝人未嘗該載深慮闕陞奏薦亦有妨礙可將已
經添差七任之人依條去餘半年陳乞就注止闕陞差遣將副以上隨才
擢用或願就宮觀獄廟亦許陳乞一次 同日南郊赦特奏各文學依法
過赦日年已六十者許二年內參選注權入官其年六十三歲以上如有

舉主二員可獲差破格歲額一次十五年九月明堂教同十三年正月

一日慶壽教應無官宗室見年七十以上可令經所屬陳乞中大宗正司

契勘諸實錄明以聞特與補承信郎仍添差獄廟差遣一次就寄居州縣

吏使請給不理為吏部立定員額同日慶壽教應文武臣官觀獄廟任

數已滿依法不應再陳乞者該今教年七十以上待吏許陳乞一次八十

以上特許兩任同日教選人任州縣官在任偶因年老監司干匡申乞

依淳熙八年指揮改差應恪獄廟任滿不許再行陳乞之人如委是年老

不堪任釐務若該今教許經所在州軍知通保奏再差獄廟一次同日

教大小使臣年七十以上體量不堪釐務之人判無合入窠闕尚慮失所

並特與差注獄廟一次八十以上特許兩任同日教應曾統十三吏立

到戰功人理宜優異昨淳熙四年指揮與兩任添差不釐務或獄廟差遣

仍支全分請給如任數已滿可更與放行一次同日教應諸軍秋汰離

軍大小使臣校尉副尉下班祇應年七十以上許更添差獄廟一次同日

教應淳熙十一年特奏名試在第五第如係國學臨安府進士特與差獄

廟一次諸州進士與破格獄廟應淳熙十一年特奏名_文學見年七十已

上依法不應出官許在保官三員委保正身於所在州軍陳乞保明申吏

部與差獄廟一次 閏七月十一日迎功即應說等狀身老上庫幸遇太
上皇帝慶壽以年及補官乞照淳熙三年太學生滿貫等該遇太上皇帝
慶壽恩則補官外與獄廟差遣詔並與獄廟 光宗紹熙二年正月二十
八日詔史彌正以倚親年老乞奉祠祿其志可嘉可除真敷文閣依所乞
與主觀建寧府武夷山冲佑觀 彌正以直祿同新舊發遣福建路提刑乞
改授祠祿待奉尚親故有是命 十一月二十七日南郊赦應紹興三十一
年以後歸正京朝官大小使臣選人文學校尉尉下祿祇應任數已滿之
人願就官觀獄廟者特許陳乞一次諸軍揀汰離軍已經添差一任回到
部許注授獄廟差遣其間實緣殘廢不能親身赴部令各本色官一員
結罪妻保正身許家人齋狀赴部陳乞差注勘會昨遇登陸赦恩用數數
推恩補授文學并龍飛榜賜詣州助教依下川文學恩例之人依法遇赦
日年已六十者許二年內參選注權入官具年六十三歲以上如有主二
員可權差放獄廟一次其免解待郊特奏各學礙年人準此應進士年
五十以上五舉到省合赴監興元年特奏各殿試人緣事赴試不及若將
未殿試唱名入第四等以上合補授文學之人雖係年六十已上與理紹
熙元年年甲用今年赦恩各保奏遣特差獄廟一次 五年正月一日慶

壽故憲文武臣官親祿廟任數已滿依法不應再陳者該今來慶恩日年
八十以上特更許陳乞一次